



978286

響泉集



宣統元年
錫慶氏
錫慶氏
錫慶氏



序

吾顧氏於江東爲舊族先世故多著述咸豐季年版悉燼於兵
火 德宗初葉族人之留心文獻者如悟秋集蘊塘集雙溪集
辟疆園集拜石山房詩詞鈔復稍刊行於世道族兄綸卿刺
史之勤斯堂詩彙編出而家集益炳焉蔚焉抑何盛也獨五世
族祖廉使 晴沙先生之響泉集罕有傳本歎然於懷者久之
光緒乙巳霽次吳興同里朱達夫大令鑑章來復幸歸安藏有
是書乞歸寫副本并輯其遺佚者補於篇其得詩十七卷雜文
一卷詞二卷都爲二十卷弄藏有日矣今秋任德清河篆政閒
多暇亟謀重付剞劂以廣傳播族兄季欽分轉既刻公之梁谿
響泉集

序

一

無錫顧氏
重校定本

詩鈔寓書告余余復與合力鳩貲擺印不數月而竣事其繕錄
所需校讐所費及有不足者余捐俸金補益之惟按公年譜丙
午以後猶多吟詠是編殆猶非完璧歟他日足本續出再當壽
諸木以饜世之讀公書者

宣統二年庚戌暮秋五世族孫鳴鳳謹序於德清官廨

序

吾鄉於 仁皇帝之世邑中稱能詩者有嚴秦杜顧四家 顧
響泉廉使稍後出名與之相頡頏先生爲學攷師子承楊先生
昌祐之外高祖嘗豔稱其嘉州渝州五言詩爲殊絕清夷疎曠
稱其爲人蓋入蜀峽目睹劍閣棧道瞿唐灩澦諸勝凡少陵放
翁之所經歷眉山蘇氏桑梓之所游釣宋景濂父子徒謫羈愁
苟而不浪用其才故吾邑推詩律之嚴者莫若先生余弱冠時
卽嚮慕其書不止洵更喪亂版燬於兵求之數十年卒不可得
庚戌莫秋其五世族孫 意城通守得之朱達甫大令鑑章家

響泉集

序

一 無錫顧氏
重校定本

僅詩十六卷意城又補輯詩一卷文一卷詞二卷都爲二十卷
一日自德清寓書於余云將再壽梨棗以永其傳刻旣成屬序
於學攷余維士大夫當海宇昇平出則諏謀詢度王事靡盬處
則白華南陔色養無違抒寫性情言近旨遠有二南風人之遺
者此其人千百載未易一二相遇先生由臺諫出守甯夏擢涼
莊道陳臬四川與王蘭泉司寇吳沖之學使查儉堂方伯輩互
相唱和號爲詩友年未五十棄官養親拳拳孝物外超然汜
今讀其遺集猶若髣髴見之世有其人吾雖執鞭而侍亦忻慕
焉是爲序

宣統二年庚戌莫冬鄉後學漑泉居士凌學攷謹序

原序

昔太白慨大雅不作憲章淪亡清真復古觀其所著古風五十餘篇知世俗驚眩其才豔而苦無繩尺步趨者以未識其指歸也宋大家皆宗杜惟歐陽宗李嘗自謂廬山高一篇竟是太白夫歐之非李豈不自知而一兩篇偶得其似卽極口自譽而不諱蓋獨尋真脈心摹手追不忍沒其本心所注爾晴沙侍御學詩二十年一日謂余曰吾詩無淺意欲先得子序予非作者而侍御一字一句必見之其入想單微直追風雅經營慘澹規矩唐賢尤契青蓮以清真爲主夫人真見所到若天啟之至精神猝發氣味遙通自謂獨抽秘妙舉而質之少有應者古人之所嚮響泉集

原序

一 無錫顧氏
重校定本

著章章如此而澹漠稱是今以一時所作見賞目前以爲逼真古人無有是也夫不見信於人而自疑其見此自立之難也未必見信於人而不敢自疑其所見以埋沒古人此歐陽之不自諱其本心以底於成也然則侍御之於詩亦不自負其真見以臻古人真實而已是爲序

乾隆三十年乙酉重陽日學弟 王宮拜稿

原序

詩競言音節矣音之起由人心比音而按之乃有節節易按而音不易傳清濁大小哀樂剛柔音之屬也遲速高下出入周疏節之屬也清廟之瑟壹倡三歎而有遺音音甚微而難言故漢魏六朝初盛唐諸家之詩傳者節也不傳者音也比音以赴節無不應節者矣按節以審音無不知音者矣予去春抵蜀時響泉觀察示所作嘉州渝州諸五言於近賢則昌穀蘇門爲近旣乃盡出所爲詩詩約有三變愈變愈道而出人多在逸處自言少習唐音于大厯後未一寓目旣乃泛涉宋元明諸家以窮其正變遇不快意處輒歌李杜詩三數篇其音輒與心動故節不響泉集

原序

一
無錫顧氏
重校定本

必唐而音不可不唐子乃以歎音之感人深而節尙無與也夫詩之節隨乎音音旣足感人又必選音以妙於所感故曰寬而靜柔而正者宜歌頌廣大而靜疏遠而信者宜歌大雅恭儉而好禮者宜歌小雅正直而靜廉而謙者宜歌風以聲歌之所宜養吾心心有動而宣爲音庶與風雅頌之音相應而節無弗中焉吾不知響泉之比音以赴節與按節以審音而其道已微矣逸氣之得于天固無論也昔孟東野梅聖俞黃魯直之詩同時如退之永叔子瞻每好之而效其體論者以爲是由才大然體後於氣猶之節後於音體似矣不盡有其氣節似矣不盡有其音響泉之好初感唐之音有意比之繼且無意比之宜其起

于心而音之有以動我如是也且夫泉仄爲沈尾爲漢正爲濫
縣爲沃丁然璆然匄然響者音也抑節也或曰李汧公有琴
名響泉響泉以喻德且喻詩故其號與其集咸取此夫琴吾不
知也序此詩以爲知此音則幸矣乾隆甲午五月望日南匯吳
省欽序

響泉集

原序

二
無錫顧氏
重校定本

序

昔人學殖所醞釀精氣所結轡恆徵於語言竹帛之間其稱心
而出激宕淋漓音響節奏又各視其所造惟所愿之境奇故能
顯其才之奇其源汨汨然其實熊熊然意氣至湧思力橫驚若
矢之激弦星之奔杓曾不可以禁禦也華陽顧使君爲洞陽先
生八世孫以直節傳家別業清溪莊尙存君自幼讀書惠山之
貫華閣挹二泉之爽潔慕高顧之清芬葢侔乎輿流俗遠矣其
由農部至烏臺輪蹄酬應校量篇什爐香茗椀終日晏如及夫
奉使隴右講求農田之利已而軍興旁午馳驅關塞籌畫機宜
觀其南征詩據鞍有作自打箭爐至章谷疊嶂橫峯湍流駭浪
響泉集

序

一 無錫顧氏
重校定本

宵冥幽異羊腸百折行五百里無咫尺平坦地又百里抵達武
大軍駐焉戰陣攻守聚米成圖至於紀木果之役弔慰忠之祠
淒涼悲壯斫地可歌而少年書生之什直與玉溪生相爲伯仲
因歎徵發驛騷之時重金兼紫積金帛而長子孫者多矣如君
者可謂之知兵謂之有勇幸 王師之克捷寫叱馭之壯懷其
側儻奇偉之句足以備詩史方當論功行賞旋以親老陳情急
流勇退惟忠與孝二者兼之不其難乎其以響泉名集者蓋不
忘釣遊之所也昔鄒彥吉作惠泉亭記謂名雖第二實則第一
今以君詩驗之其曰噴薄詭激其源沸湯是詩之演漾不窮也
滄泓閒止可鑒毫髮是詩之別裁有體也躑病析醒挹注無已

是詩之風流宏長也易曰習坎有孚惟心亨孟氏曰源泉混混
不舍晝夜有本者如是論君出處踪跡已經萬里而挹注高深
吐棄凡近惟慧泉是依君歸後訪予於解溪南圃之間予詠詩
曰溯洄從之道阻且長有遐慕焉爰推言其境之奇以顯其才
之奇而兼爲推本於先世以見使君之詩可以信今而傳後者
其來有自云

乾隆丙申嘉平月葑溪同學弟彭啟豐拜撰

響泉集

序

二
無錫顧氏
重校定本

光緒辛巳無錫金匱縣志卷二十

宦望

顧光旭字華陽乾隆十七年進士授戶部主事累擢監察御史屬直隸山東大水光旭奏請以工代賑並借給牛具籽種以資耕作報可出爲寧夏知府調平涼值歲旱請開賑與布政使忤而光旭竟先發銀米民得無饑陝甘總督文綬移任四川時方有金川軍事文綬奏請以光旭隨往署四川按察使蜀有失業奸民俗名囑魯子者四出劫掠光旭督役搜捕獲其眾懲治之羽黨股慄誓改悔尋以秋讞失出罷歸光旭學術純正工於詩尤精書法居官有清操歸主講東林十餘年卒子永之舉人挑發河南決獄平恕而伉直如父湛之國


響泉集

小傳

子生葆之歲貢生沛縣訓導皆有學行

一 無錫顧氏
重校定本

響泉先生遺像



於恭我公亶惟貞良抗疏賑饑
豈弟慈祥金川轉粟武服沈
沈陳臬於蜀鋤莠振綱東林
講學紹衣涇陽克明峻德邦
家之光 五世族孫鳴鳳贊

響泉集總目

詩一 泉上小藁 古近體詩七十一首

詩二 半日讀書齋餘藁上 古近體詩七十二首

詩三 半日讀書齋餘藁中 古近體詩九十二首

詩四 半日讀書齋餘藁下 古近體詩九十五首

詩五 可耕餘藁上 古近體詩六十五首

詩六 可耕餘藁下 古近體詩九十一首

詩七 風草行廬藁上 古近體詩七十四首

詩八 風草行廬藁下 古近體詩七十三首

詩九 叱馭小藁上 古近體詩八十七首

響泉集

總目

詩十 叱馭小藁下 古近體詩九十首

詩十一 峩眉小藁 古近體詩七十二首

詩十二 吳船小藁 古近體詩七十四首

詩十三 錦樹園藁 古近體詩八十二首

詩十四 吾廬漫藁上 古近體詩六十二首

詩十五 吾廬漫藁下 古近體詩九十七首

詩十六 松風閣藁 古近體詩一百零六首

詩十七 浙游小藁 七言律詩四十二首

文一 晴沙贖藁 雜文十一首

詞一 清溪樂府 大小令四十五闕

無錫顧氏
重校定本

詞二

清溪樂府

大小合五十九闕

響泉集

總目

一
無錫顧氏
重校定本

響泉集 詩一

金匱 顧光旭 華陽

五世族孫鳴鳳校刊

泉上小藁

起丁卯秋止
壬申夏五

余弱冠讀書慧山貫華閣嘗夜至漪湖堂九峯月出五更泉
注拾松子烹茶竹爐中意有所得輒吟小詩易曰山下出泉
蒙泉之出蒙之發也顧少作鮮可存者刪而存之名曰泉上
識泉之始達也

清溪莊

井序

清溪莊在吾邑試泉門外去西定橋一里 先八世祖洞陽
公別業也明武肅間公以直諫兩受廷杖既而解組歸築室

響泉集

詩一

泉上小藁

一

無錫顧氏
重校定本

於此林壑清迥烟水澄鮮諸先輩唱和稱極感邑志載焉今
池亭竹石無一存者惟老榆兩株亭亭蔭蹊衢間蓋二百餘
年所矣永懷 先澤敬賦是詩

木落羣山空松雲闕岑寂我 祖此歸隱瀟灑古巾幘清溪爲

池沼九峯當几席寥落二百年緬想君子澤扣馬泣上書批鱗

請宣冊殿中檻猶丹衣上血恆碧

海忠介公謫
云志矢回天會扣馬功同浴

先公祠詩有

日再批鱗三生不改冰
霜擬萬死仍留社稷身

終懷明主恩詎抱烟霞癖白日照精誠

華簪臥泉石乃知逢比心不類箕穎跡吟嘯碧山社迢遙紫煙

客

公既歸修復碧山吟社與王僉事問華
學士寮諸先輩爲後十老賦詩其中

彈琴竹林深垂釣蘆

洲夕手種兩株榆陰蔭三畝宅陵谷雖變遷枝柯無改易殘秋

迷行徑亂葉蔽泉脈訪舊問耆老尋幽越阡陌褰裳誦清芬溪
水迴遠白

讀書惠山貫華閣三首

雪破冬巖綠寒生石閣深
細泉流樹杪斜日憺山陰
終歲謝塵跡有時行竹林
前雲木秀下上聽鳴禽

梅樹何人植陰崖不計年
我心澹如此獨立山蒼然
虛閣迥生白壤籬寒帶烟
半林斜月下清影落琴絃
山翠與烟霏空青欲濕衣
看人行木末候月出荆扉
夕磬僧初定長林鳥共依
無言九峯靜曖曖見雲歸

泉上吟

響泉集

詩一

泉上小集

二

無錫顧氏
重校定本

泉上山山七泉泉聲翠微裏
山色浮青天山中發聲泉倒影照
見飛花落明鏡落花無人春鳥鳴
清泉白石空山靜漪瀾堂上
幾詞客曾試清泉碧山碧五更月
落泉聲來滿注銀瓶飲其液
我生不學桑苧翁但願芙蓉湖上
推孤篷大瓢貯月響茶臼小
艇橫烟攜釣筒遨遊五湖歸九峯
片帆正落前山鐘盂端竹爐
今尚在山僧爲我開筠籠湛公宅
畔莎草綠歇廟裏棠梨紅
浩歌細剔唐碑蘚半醉却倚秦時
松倦來且卧石床七明月自
照烟蘿中吾欲起呼山童漱吾齒
盪吾胸流泉涓涓繞吾榻洗
盞更酌生清風

虎邱二首

山上雲復雲山下波復波千年此虎阜幾見麋鹿過芳甸忽以
綠時鳥鳴相和白日照華屋美酒酣清歌起視古邱墓長松鬱
嵯峨悵悵吳宮人翩翩衣越羅朱顏易凋謝春華竟蹉跎揮手
弄餘景愁思何其多

吳歌清且圓十指動繁絃一絃傾一觴春風蕩華年夫差去已
久流俗今尚然泊舟閭門外喧呶亂人烟解纜去洲渚寒漪漾
澄鮮沿洄逐空影遂與波流連欲訪鴟夷子五湖曠周旋胡爲
事形役溷跡於市廛

山行四首

芳風藻清川蘭馨遠芬馥洞戶寂無人春巖自幽綠

響泉集

詩一

泉上小藁

三

無錫顧氏
重校定本

懸藤鈎暗渚叢篠倒寒影花落釣人稀斜陽下竿頂
山中一無間孤雲扣清磬聲遠不可尋風泉自相應
抱琴入深松風調雨清絕知音適未來含徽佇微月

山居曉起

高聽辨松色宿雨曉仍在晨光延几席雲氣入晤對徐徐理盥
櫛稍整巾帶撫絃屏干慮散帙沉萬籟林花朝露晞諧氣變
眾卉此中有經綸物外隨顯晦力田愧老農灑掃謝時輩不聞
塵市喧連山起蒼靄

高忠憲公祠

竹柏依然戶半扃孤臣何處拜明廷猶存直道歸清議終爲斯

文守舊經止水翻風掀浪白九峯拔地到天青傷心莫問彭咸
則衣帶書成一涕零

石門對月

到此天高萬籟清坐看露白月華生巖間宿鳥三更出樹裏寒
泉百道鳴窗迥乍臨松影直雲空惟覺鶴身輕洞門長閉無消
息遙夜何人按玉笙

古塞下曲

光祿塞前連朔漠夫人城外易黃昏漢家飛將今何處瀚海流
沙帶血痕

明妃曲

響泉集

泉上小篆

詩一

四

無錫顧氏
重校定本

宮花繽紛朝露浮天池曉碧鐘聲流內人傳詔明妃出初日正
照銅龍樓宮中綵女思欲絕親見明妃辭漢闕低頭拜闕落金
鈿有淚還傾漢闕前迴聽御柳宮鶯語似爲離人奏可憐團團
絨扇如明月明月還應有圓缺誰言賤妾怨丹青塵沙滿面單
于妾妾身生長秭歸村汨羅曾用三闖魂古來騷客尙如此何
况賤妾承君恩欲去仍迴過紫陌陌上行人三嘆息安邊豈必
倚和親肯遣明妃嫁遠人

附
同作

無錫
顧斗光 曜七

單于常寇漢傳至呼韓邪稽首願和親天子爲咨嗟詔選良
家女去作闕氏比公主妾前不合惱畫師遠抱琵琶嫁胡虜

君不見白登七日困高帝歸來但作和戎計冒頓幾爲魯元
婿又不見孝武好大開邊功搜括糧餉閭里空將士肝腦塗
地紅和戎開邊孰得失天下昇平由賤妾

素交行

君不見戰國四公子其風乃自延陵來訂交縞紵拂劍佩却令
朱履追塵埃君不見東漢清流目李杜齊名死亦足其源出於
嚴子陵後有龍尾與龍腹此道今人棄若塵乘車戴笠行逡巡
古來聖賢望三益不慎之始失所親長安甲第多烜赫王侯將
相羅星辰歌鐘考鼓日西下雕盤綺席紛罽賓苞苴不入夷惠
宅傾奪常憂田寶身不須更廣絕交論豈有餘暇能方人寂寂
鄉譽泉集

詩一

泉上小集

五

無錫顧氏
重校定本

吾徒二三子相逢杵臼炊車輪子將月旦今何有舒卷六合還
其淳

江南別

朝泛春江雲暮泛春江月江雲碧於環江月白如玦環以結同
心玦以贈遠別遠別向何處送郎從此去芳草綠汀洲郎愁妾
亦愁願爲江心石傍郎江上舟郎舟乘潮上妾心繫雙槳郎舟
任風遙妾心隨蘭橈遠近逐郎去愁絕爲風潮風潮有時息頻
望江南客江頭悄無人風吹荻花白荻花寒思多朱顏易蹉跎
望郎郎不至有淚如江波江波流不盡無那別離何

長干行

寂寞被姝子盈盈飲恨端門前隔江水家住小長干長干巷裏
風吹柳翠黛紅妝大垂手貧女慙寒不下樓平階雨長青苔厚
董逃行

董公天下之健者殘毀鐘簾壞銅馬路人嘆息恨桓靈千里飛
灰無片瓦朝殺李杜夕尸蕃武虜人張兔豎網羅挂龍虎可笑
袁本初不能立門戶西召隴西卒東郡發強弩閹人手擲何進
頭部曲散亂無人收猾虜肆毒逞逆謀四世三公良可羞橫刀
長揖奔冀州太尉王琬司徒楊彪廷諍而死嗟彼伍周倒持太
阿授人柄兩宮流血天爲愁當時名士幾人在禁兵潛入涼州
隊可憐石顯十數輩運丁百六竟如何陳師鞠旅將誰待將誰
嚮晉泉集

詩一

泉上小臺

六

無錫顧氏
重校定本

待清帝京掖門討卓卓馬驚西市然臍達曙明

五劍篇

西園華丈

丕光

作四劍歌蓋以史記項莊項伯樊噲范增而

作也予謂是時項王按劍得五劍焉遂作是篇

學劍一人敵按劍將何爲鴻門大張宴天地黯不開玉玦再三
舉對面酸風來一劍注沛公一劍翼蔽之一劍乃直入卓立張
鬚眉問客何爲者慷慨前致辭腰間劍芒利座上劍鋒摧著然
碎玉斗擲劍心徘徊

倪雲林故居

死靈東蹈海生不西帝秦寂寞魯連後雲林四百春

仲雍墓

仲雍逃荆蠻非爲託高尙感茲文身區敦厚重揖讓峩峩海隅
山云是仲所葬寧知萬古心策杖一孤訪遐哉商周際伯蠆仲
當王偕隱竟不返仁至義亦覓我來青松陰聳身白雲上海色
明古縣寒烟澹層嶂遙企讓王墳青山鬱相向春風采藥行落
日聞樵唱

桃源澗

迤邐一峯秀雨洗松杉明惠風乍來過灑然散林聲林梢與泉
戛我心閒更清霏霏吐雲氣隱隱聞雷驚問此是何處豈以秦
人名桃花開且落春水亦方生荷鋤村舍晚倚棹漁舟輕山水
鄉音泉集 詩一 泉上小景
有真意烟霞空復情

七

無錫顧氏
重校定本

舟中讀李太白集

明明海中月光照海上雲方壺員嶠不可至淥水蕩漾空中聞
昔我李夫子本是謫仙人手折若木枝隨風盪無垠一朝詔上
金鸞殿至尊降輦來相見方朔寧辭金馬門揚雄合侍甘泉宴
甘泉賦奏上林苑宮中遲日流鶯囀但見延年起舞歌誰教趙
整援琴諫回首空悲東武吟龍池柳色青春深屏風九疊開雲
錦取醉且宿匡廬陰南浮洞庭張廣樂按鼓鳴箎控黃鶴異時
見脅永王璘當年獨識汾陽郭男兒在世絕可憐拔劍欲擊心
茫然走天騎虎不敢下奇氣橫出凌雲烟雲烟變滅瞬息間四

望青天安可攀海風飄落大鵬背黃河欲倒崑崙山龍吟鏘然
鳳鳴繞粲花霏屑滿瓊島將過齊國訪魯連更向商山尋綺皓
有時醉着宮錦袍亦復倒垂綠玉緜羣鷗點點戲滄海海上持
竿釣六鰲鴻章鉅筆照今古舉盃見月便起舞蒼茫月落大江
橫使我舟中夢天姥

幽思詩

高林碧泉秋厨濕烟蒸氣成菌白雲綿綿綠澗瑤草乃涉芝田
幽人何許非隱非仙

古月瀉光松風吹香拂衣整襟彈彼素商凝神太清悠然天闔
紅輪湧海門外扶桑

響泉集

詩一

泉上小篆

八

無錫顧氏
重校定本

雲橫夕清鴻雁夜聲今我不樂高志放情明月滿把言刈石英
空山夢醒道然曲肱

晚過石林精舍梅樹下

悠然翠微裏閑卧贊公房月上九峯靜風來一院香單枝橫秀
氣淳意發幽光獨立石林下余情其信芳

答天鈞上人見和用前韻

夔汝石林月月邊關竹房無人有梅樹冉冉自生香獨得古風
味中分殘雪光詩成見真性花雨散圍芳

大人命賦庭梅仍用前韻

南國有嘉樹春暉生玉房早烟凝綠髓餘雪沁寒香以此太和

氣多成明月光芝蘭在階砌可與比芬芳

贈梅四疊韻

白雲去巖戶玉骨卧山房獨出冰霜色能令天地香伊余非宋
瓊疑爾是巖光欲賦更回顧不言而自芳

書荀陳傳後

桂樹生太山枝葉交相鮮上有溥溥露下有淵淵泉二方既承
則八慈亦繼塵于時德星聚仲弓方造荀使慈明行酒使叔慈
應門六龍爲下食文若坐膝前桓靈旣失道山澤多遺賢猶儲
公輔器天地資轉旋如何在下位風化亦以宣人倫共扶植吾
道無述遭

響管泉集

詩一

泉上小藁

九

無錫顧氏

重校定本

讀陳書

璧月夜夜滿瓊樹朝朝新何人爲此語狎客侍臨春可惜江總
持爲樂非睢麟遂令陳後主破國殉妃嬪

登錫山望湖亭

湖光動絕檻塔勢湧層昊三萬六千頃秋景爲誰好濤頭飛片
帆日脚下孤鳥中有范蠡宅寒烟沒深島

閉戶

閉戶鏡羣籍空庭墮秋葦冥心薄蒼穹了了見海嶽一意之所
如有若游天鶴憑虛出天地悠然返寂寞收視涉圖史紛葩眼
前落汪洋亦灑瀚萬象縱揮霍不識箇中妙安知靜者樂無言

得超詣名理歸澹泊

春思

春雨綠郊圻相思江水肥烟中柔艣響花外早鴻歸山色粼粼見波光漸漸微愁多夢蝴蝶飛去落君衣

題趙承旨桃源圖

桃花源水綠於烟一波千折春風顛舟行自轉不知遠萬壑度盡雲霞鮮霞斷雲連無雜樹桃花亂落秦人語當時只道入山深青山却送漁郎去

詠史七首

賈誼聲名歷朝右漢文直欲老其才可憐痛哭陳書後空見悲

響香泉集

詩一

泉上小景

十

無錫顧氏
重校定本

歌作賦來湘水浮天呼屈宋梁園他日付鄒枚致身轉爲少年誤宣室何因得再開

文園消渴病相如狗監當年薦子虛一自西南歸使節便辭朝請就閒居白頭未與公卿事青瑣偏求封禪書寂寞上林花亂落同時流輩已無餘

壯繆威靈走區夏孫曹何地可相容奸臣竊命無遺策時議遷都欲避鋒殘夢自驚槽上馬長江難鎖水中龍紫髯應悔荆襄役落日寒潮建業鐘

豎子成名信可悲阮公沉飲竹林時眼分青白同埋照口不雌黃自詠詩鍛羽難爲孤鳳舉潛身焉用逆鱗批嵇康寡識遭刑

戮更向何人哭路岐

朝野清談百不營中原轉戰大江橫圍棋賭墅東山客鶴唳風聲北府兵遠志未應譏小草羣公何以慰蒼生廻看諸葛真名士無復南陽得退耕

紛爭南北干戈際颯爽英姿草澤中捫蝨而談王景略鼓箏自酌李元忠恨無附鳳攀龍遇常負圖王定霸功事業直須關運會書生若箇出羣雄

李泌何如張子房百年中歷幾滄桑白衣閒道叅帷幄紫禁還家事縹緗四皓不來成羽翼三秦已定得徜徉飄然身世知何術將相神仙奕葉光

鄉音泉集

詩一

泉上小彙

七

無錫顧氏
重校定本

澄江集沙氏園林

水落潮痕在荒園古木稀扁舟明月下孤嶼晚涼歸野客攜樽過江魚入饌肥平生漁弋興終擬製荷衣

訪澹白上人不過

竹聲風浩浩池影天潭潭言訪澹白子采藥南山南落葉無人徑門前多夕嵐

壬申春同從兄南華曜七雪後早發丹陽

月出寒原曙征人盡妮裝四山浮白雪一水遶丹陽浦樹廻帆影江風入鴈行呂蒙城外柳春色正蒼蒼

石頭城

王氣銷江左潮聲撼石頭從來天府地遙接海門秋大帝開英
霸吾徒及壯遊紛紛前日事誰與問沙鷗

秦淮曲

秦淮水遠白門灣士女江頭打槳還潮落潮生來又去船窗而
面六朝山

滿城哀曲惱箏琶一宿秦淮水上家乳燕欲飛鶯又老青楊
柳白蘋花

五更風急夜烏啼盡捲烟花入鼓聲寄語江南詞賦客秦淮舊
事不堪題

金陵懷古四首

鄉音泉集

詩一

泉上小藁

三

無錫顧氏
重校定本

江國春寒酒不勝尊前萬事正填膺雨沉揚子津頭鼓風落秦
淮水上燈玉樹瓊枝三閣月青松白石六朝僧昨來檣棹蘆花
岸幾點烟簑雪滿簷

猿鳥何知有是非空山草木散芳菲過江王謝今安在入洛機
雲竟不歸鍾阜半青春澹澹婁湖餘白月暉暉祇應築室爲招
隱憑弔寒烟詠采薇

勞勞送客柳條青送盡南朝絮滿汀猶有黨人尋舊院可無朝
士泣新亭移舟曲岸聽殘篴高枕寒岡看落星不獨江關氣蕭
瑟庾郎詞賦亦飄零

鐵鎖銷來走浪花可憐四鎮似蟲沙拙戈彭寵遼東豕

謂高躍
傑輩

馬公孫井底蛙如此江山雄帶礪依然水木湛清華行人莫更增惆悵屈指降幡六七家

雨霽獨遊

江風吹雨細於塵雨歇烟光上綠蘋灌木春鶯三弄曲雙柑斗酒四無人空攜柳惺惺捶琴筆欲挂林宗墊角巾遮莫垂楊更無賴亂飄飛絮過東鄰

舟過焦山下遇風雨作

鼓枻發揚子金焦欲傍船乍看雲雨至鷺起蛟龍眠山峙低昂地江鳴上下天獨當風力勁莫使布帆偏

李相讀書臺

鄉賢泉集

詩一

泉上小臺

吉

無錫顧氏
重校定本

唐李文肅

神

嘗於惠山寺讀書舊志載有讀書臺及宋元時

碑記今無存者

李公手植雙溫樹一上家山去不回我向泉間問耆舊更無人見讀書臺

在山泉水出山雲流到人間處處分雨氣欲消虹欲斷埽苔閒

覓舊碑文

邵文莊點易臺

泉翁點易處靈跡秘遺經寂寞斯人去空山石氣清烟霜虛萬象天海落孤亭滴露泉名何年竭荒臺走迅靈

北上二首

桃花漲溪口黃鳥春風時纜舟不能發行子有所思所思亦何
苦所苦遠別離束帶拜堂上欲語詘言辭喜懼一以并不知涕
漣而親戚或勸駕儔侶亦相規男兒四方志騏驥千里期惘惘
出門去長吟吧岵詩

人皆有兄弟我生而獨無養子甫一句聊可爲親娛婦本寒素
女洗手視中厨晨夕代夫子勉事爾舅姑操刀念傷手汲水思
井枯男兒及少壯努力當馳驅安能守貧賤入室向妻孥他年
獲侍養迎子於上都

毘陵離席呈趙丈教授

永孝

貫得蘭陵琥珀紅當筵難放玉樽空卽看書籍歎王粲豈有才

鄉音泉集

詩一

泉上小彙

西

無錫顧氏
重校定本

華報孔融吳楚江山名士業齊梁池館故家風匆匆離思紛紛如
織只在嵐光樹色中

舟中寄同學諸子

月落揚子帆江風吹宿霧柳色辨人烟鐘聲起瓜步浮沉波上
鷗出沒洲中樹相思若江水日夜東流去

黃河

太山橫其東太行經其西乃知大禹心因山以爲隄

沛中

四海縱橫三尺劍沛宮置酒欲銷魂人生惟覺故鄉好父老都
忘天子尊萬木悲風鳴泗水亂山落日照彭門英雄成敗俱陳

跡何必重瞳有淚痕

舟行雜詠

流水不相待舟行頻問之江烟郭璞墓淮月靈筋祠悵矣更悵
古偶然爲賦詩孤吟誰和者飛起兩鷓鴣

殘星飛雁外疎雨落帆前曉失江南樹晴開濟北烟得瞻鄒魯
地且纜孝廉船大雅久不作鼓濤彈響泉

太白樓仍在少陵祠正開乾坤雙寂寞今古一徘徊落日依山
盡長風度海來采蘋聊欲薦解纜莫相催

鷗睡不成夢鶴飛何處鳴魯連村外月終夜照聊城水落舟航
勢塵喧闐闐聲永懷天下士於此謝華纓

響泉集

詩一

泉上小菴

五

無錫顧氏
重校定本

響泉集 詩一

金匱 顧光旭 華陽 五世族孫鳴鳳校刊

半日讀書齋餘藁上

起壬申秋
止丙子冬

半日讀書朱子語也壬申秋九月余授官農部散直率不過
日眈輪蹄酬應歲月坐失深自懼焉吾名吾齋日計蓋猶不
足矣自是秋至壬午冬所存詩釐爲三卷

卜居四首

躡屩瞻 丹闕卜居綠碧林遠鐘秋水外古巷夕陽深濠濮知
魚樂山梁兒鳥心疎慵吾豈敢祇自愧華簪

不逐五陵豪空餘一徑菁廢畦山雨積秋屋瓦松高未減林泉

響泉集

詩一

半日讀書齋餘藁上

一

無錫顧氏
重校定本

色誰言車馬勞二三朋好在步履倚東臯

江南秋色裏橘柚滿林園水葉明翹鷺山條落挂猿寒花猶抱
石疎柳尚依門我始霑微祿端居荷聖恩

少小誦文史閉關窮冥搜未曾親吏事直欲息交遊暮夜知楊
震青春愧馬周數椽容膝地寥落白雲秋

留閣學宅同周

天度 仲 鶴慶

兩同年看菊得真字

先生五柳禁城闌門下多爲社裏人滿地秋雲成片段一年詩
境最清真良田廣宅仲長統紅蓼紫葵周彥倫坐久色香都不
著祇應明月是前身

西堂夜靜梧竹清
械蕭蕭響疎雨
援琴欲奏琴無絃
月出虛廊鞠通語

懷龔四思補同年

汝冊

庭樹發歲蕤春風入
瑤瑟美人期
未來鳴雁忽相失
帆開隔浦烟雲上
孤峯日離思與江花
紛紛自濛密

壯士行

堂上置酒堂下歌
信陵賓客何其多
夷門闢吏老且死
只有肝膽懸明河
古來壯士亦何有一
語相知不相負
劍光吐作白虹飛
傾懷瀉入黃河
走易水歌餘變微聲
督亢圖終見匕首
惜哉銅柱功未成
亦似金椎時不偶
時乎時乎安可知
丈夫處此良獨悲
騎馬出門身許國
腰下寶刀秋水色
斬蛟殺虎無足言
倒海移山有餘力
徒傳笳鼓樹奇功
仗劍登壇氣自雄
韓信千金賜
漂母未嘗一語酬
滕公乃知恩大報
無小掃蕩天下如
旋蓬當年國士倍
項羽他日眞王謝
荆通但見子儀
贖李白可知鵬舉
思宗澤風塵淪落
天下才骨朽青山
壯心赤

寄華大士衡

塔影莊前柳烟寒
思不禁溪光帶行
色花意媚春陰更
落空山葉其如遠
客心思君似芳樹
惆悵白雲深

余北上士衡饒送於塔影莊

送從兄星五之官瀘溪別後却寄

木落洞庭晚天秋
一雁過雄風餘
夢澤小邑始絃歌
雨黑啼山

響雪泉集

詩一

平日讀書齋餘葉上

二

無錫顧氏重校定本

鬼烟青祀伏波此中猶近古禮教復如何

素業倚江東雲閒復水空慨然揮扇意癡絕借帆風赤壁扁舟
外烏蠻落照中壯遊懷偉烈鼓柁送飛鴻

栽花應滿縣晨夕奉慈顏蘭氣三閭宅書香二酉山秋風菰米

白春雨竹枝斑小徑籃輿入迎人一鶴閑

別後薊門月秋來香滿輪遙憐楓樹冷未識桂枝新癸酉秋南華兄雋京

北荀有無雙譽兄少有神童之號郊應第一人郊謂大宋南華兄長星五一歲承家清

白在世德守貞珉

春明車馬路而我避喧嗷嘆息輕肥客何如杵臼交筆花寧吐
鳳琴響豈騰蛟寂寂揚雄宅無因自解嘲

響響泉集

詩一

半日讀書齋餘藁上

三

無錫顧氏重校定本

夜赴海淀卽事

月淡星稀曉漏催車如流水走輕雷鐘聲纔動聽魚鑰道是山
公啟事來

高粱橋畔駐雕輪裂帛湖波碧玉春水軟風柔楊柳月滿身清
影斷無塵

春遊不果獨酌

春風美酒香滿卮酌酒問春春正遲庭樹鳥生八九子野牆花
發兩三枝軒轅臺上月如水秦伯城邊山似眉寄語白鷗飛且
止五湖可以相追隨

次韻持翁過揚州作

昔年書劍過揚州五月垂楊繫客舟簾下簫聲隨月起苑中螢
火入江流衣冠已古終憐史風雅於今尙屬歐一卧短篷清夢
穩不知何處是青樓

附原作

無錫顧維持國

十年無夢到揚州又向平岡一纜舟春淺但看梅意思雨餘
惟愛竹風流商量詩句空吟杜點綴江山始識歐稽首慈雲
塵劫盡不須惆悵問迷樓

陶然亭遲秦農部朝野不至

陶然獨倚孤亭上此地能清遊子心魚影行空寒藻淨鐘聲滿
院落花深茗香人靜憩禪榻沙冷雁飛橫素琴我欲忘歸君未
響泉集

詩一

平日讀書齋餘藁上

四

無錫顧氏
重校定本

至閑閑車馬帶平林

叙懷十首

林茂斧斤至的張弓矢鳴叢陰眾鳥息醯酸蟲蝨生尤悔起細
微坐使瑕釁成至道美謙德先訓戒滿盈水濁斯濯足水清斯

濯纓

隆隆伐鼙鼓揚旗樹赤羽少壯集大勳古來惟鄧禹十三能誦
書二十事軍旅徒步觸紛亂杖策赴光武子房居帷幄狀貌如
處女歛然引而西師行若風雨功名耀天壤食邑封萬戶煌煌
京雒間赫赫威簪組吾身不自勵何以任艱鉅

先民有述作我懷殊斐然惜哉文章士美志終自捐自從騷雅

歎風流逮建安朱漆無楨幹光澤亦壯觀七子既齊軌託乘從
遊盤鳴笳動前路哀箏寫餘懽諒無箕山志了此車馬緣弱豪
多所寄脂燭徒自煎古稱三不朽其次迺立言

月過天無雲池平水如鏡千形併一視眾籟歸至聽高下既散
殊羣動各受命所以人爲貴豈不在本性草榮知歲和木落感
風勁緬彼巖下松亭亭自端正

戰國構昏亂儀秦競從衡翩翩四公子同時振英聲鐘鳴集賓
客愛士傳令名車馬耀通衢珠履羅前楹結交屠沽中談笑王
侯傾食客何足貴所貴禮意誠雖無王伯畧國亦賴以寧處憂
笑毛遂勿頸悲侯嬴功成不受賞倖哉魯連生

響音泉集

詩一

平日讀書齋餘藁上

五

無錫顧氏
重校定本

鳥悅秋雲輕逸響竟天長魚行潭樹下遊戲蘋藻芳而我眺平
楚覽古何茫茫江南八九月橘柚日以黃歌吹絲與竹羅衣舞
金堂左手持雙螯右手把一觴醉來心復樂期此於壽康

春榮無朽枝夏木無彫翠眾鳥各有求豈不念同類仁殘既殊
稟高卑亦異位矯矯獨行士讒毀乃交至讒毀亦何傷惜此澄
清志一旦事已及名高禍益熾始欲擊鷗鳶而謀養鷹鷲焉飛
啄殘肉鷹飽亦揚翅舉世皆悠悠誰復知此意古訓詎我欺薰
蕕不同器

青青琅玕竹中有孤鳳聲琅玕未及實鳳鳥何時鳴不鳴亦不
翔一鳴天下清朝飲醴泉水暮栖白玉京豈不常忍饑羞與雞

鶯爭

西京重考吏治行首龔黃所貴察民隱民氣使不傷酷吏如蜂
蠶貪吏如虎狼我讀循吏傳功績在農桑積粟慰我饑餘布成
我裳不饑亦不寒歌詠化日長爲吏苟如此井邑無流亡選吏
苟如此萬里仁風翔

磷磷澗邊石青青水中蘋探之薦宗廟可以羞鬼神江漢一何
廣王風蕩無垠輶軒四馳驅羣英盡來賓 熙朝耀光采天地
含清新喧風無潛穎洪澤多躍鱗稽首進昌言揚休照千春請
効擊壤歌臣本蚩蚩氓

讀秦始皇本紀

響泉集

詩一

半日讀書齋餘藁上

六

無錫顧氏
重校定本

誰謂始皇黠我謂始皇愚秦時禁令疑獨疎大索天下追亡逋
十日不獲事則已下邳橋邊人進履不知郡縣竟何如想見關
津聊復爾五帝不足多三王不屑視懼此敗籠堆中之故紙朝
銷鋒鏑暮焚書萬歲千秋從此始鋒鏑可銷書可焚華陰遺璧
高池君鮑魚之臭不可聞中原鹿走大蛇分關中一片芒碭雲
重瞳虎視驅羊羣降將裂土邯鄲欣黔首盡化爲三軍子嬰肉
袒何足云泰山高高豎碑石風雨剝蝕迷篆文此時父老苦秦
久誰其問者桃源口桃源花竹散千家戶口不登竟誰有雲樹
雖維漁子舟版圖弗入蕭何手紫芝一曲商山翁漢王昔已高
其風乃知賢者不得已而避世若今在位奚遜乎夔龍始皇私

不及此其視天下皆顛蒙七國之富一夫獨膏血填盡阿房宮
阿房一炬咸陽紅美人鐘鼓寒灰中

哭八季父

有序

季父諱

諭元

號凱庭生而穎秀沉靜寡言笑性好潔爐香茗

椀終日晏如余垂髫時卽侍其一塾經籍甚肆志也乾隆庚

午中京兆試副車以貴銓博士未仕而終年纔三十云

季父季父歸何鄉抑塞磊落能文章去年八月舉子忙淬厲鋒

鏗森寒鏗槐葉黃過天雨霜策蹇潞河呼一航鎖闥未撤帆早

張使我離思空茫茫

癸酉余充外籛官
叔出塲後先南歸

歲晚傳來書數行上言

母老未得將聊營微祿音藉香下言薄產半就荒硯田寂寞無

響泉集

詩二

半日讀書齋餘叢書上

七

無錫顧氏
重校定本

宿糧書生寒餓卧且僵中夜不寐心徬徨三復書語何琅琅書

中語多意難量意長豈得謂不祥嗚呼季父歸何鄉鄉人告予

殊未詳心血嘔出身天亡我昔與叔同一堂丹鉛甲乙窮縹緲

松濤捲空雨打牆竹色照檻風鳴廊高歌擊節抑復揚哀音苦

調繚屋梁冥心初若錐處囊脫穎一出銳莫當積此十年以爲

常如此刻苦真自戕北遊京華氣激昂朱門宴會羅酒漿白日

不出依僧房偶然跨馬倚葛疆適館乃涉易水陽荆軻已去木

葉黃萬山迴合虎豹藏書聲出戶風聲長魑魅竊聽窺燈光披

劍四顧山蒼蒼

叔嘗統館於
西陵總管某都統
處夜有鬼闖其戶而叔讀書自若

主人鼎食吹

笙簧朝餐一鹿暮一獐腐儒羸糲空壺觴可憐文字撐枯腸我

初聞之涕霑裳自我入官承筐筐度支紅粟出太倉荼苦薺甘
聊共嘗一飽豈辨糝與糠鵬鴞之志非稻粱蛟龍得雨宜騰驤
地下忽作脩文郎如何不哀哀思傷哀詞欲吐睇北邙望之不
見淚淋漓西風淒淒雁南翔四郊搖落吹白楊魂招不來夜未
央忽忽夢見在我旁攬衣欲語走踉蹌猶聞玉佩聲鏘鏘已覺
境轉廻林塘恍然心悸月照廂井梧蕭瑟枕簟涼嗚呼季父歸
何鄉潔樽欲薦靈風颺

上巳同諸公遊王氏園林柬王七編脩

說德

三日春光水一村萬絲楊柳半遮門空梁舊燕交紅影缺岸新
波上綠痕脩竹池亭聯少長惠風懷抱向壺尊永和人去今誰

響泉集

詩二

平日讀書齋餘藁上

八

無錫顧氏
重校定本

在爲問君家好弟昆

吳大揖峯

峻

枉過酌酒論文奉答和韻

四海皆旅人數椽傍蕭寺之子惠然來訪我蓬門閉昨來讀楚
騷四壁有秋意今來吟陽春風吹薜荔古人重論交今人棄
如屣置酒摘我蔬相與晰疑義微雨過階除草樹發新翠寓目
成奇文何必蚪蚪字遊心白雲天置身羲皇地我已忘形骸形
骸詎我累

送揖峯歸里

故家同里巷客路見交知人去專諸塔花開泰伯祠溪聲雙屐

兩山色一囊詩草色南窗下憑君問竹枝

余家與吳鄰巷中
有專諸塔泰伯祠

白雲觀

暮蟬森木半陰晴亦有閒雲傍鳳城市上酒酣人擊筑樓中鶴
去客吹笙天涯白髮行逾健塵世黃金鑄未成結友板桐吾願
在何當松下飯青精

觀中道士不下五六十人
大半白髮垂肩往來乞食

重九前一日同秦帖齋薛璞庵蔣敬菴家持翁登陶然亭

時周捧齋先生以他事未至

客愁深與白雲堆初地吟筇又一回江浦西風紅葉寺金臺斜
日菊花杯縱橫棋局論成敗漂泊詩囊別體裁正是凭闌意惆
悵兩行低雁過城來

樹樹商聲葉葉霜銜杯露頂吸秋光尖風似箭傳遼海新月如

響泉集

詩二

平日讀書齋餘藁上

九

無錫顧氏
重校定本

弓掛太行正憶

旌旗迴羽獵

時
幸木蘭

可無詞賦擅長楊天邊

節物關心甚塞北雲山入望長

萊衣遲我又三年欲插茱萸思邈緝介壽明朝逢菊序題糕新

句入鴻天

九日
嚴生辰

畫圖十老烟霞外

家嚴擬復碧山
吟社繪十老圖

猿鶴

雙屣杖履邊有子長安解相憶僧樓一角月初弦

千里雲寒去鳥遲商飈舊館暮鐘時眾山對酒虛前席九日登

臺未後期閱世種松誰老健論心歎竹自離披人間盡愛重陽

好搖落何須宋玉悲

題祝九賜柯竹集

楚客吟秋滿秋氣搖落一身披薜荔焦尾空彈舊燒痕柯亭爲

譜新聲意新聲古調淒復幽騷人遷客雙淚流萬里湖舫青草
恨一聲柯竹蒼梧愁蒼梧烟深子規哭啼血爛斑點秋竹鸚鵡
洲空弔爾衡神女臺荒迷宋玉洞庭木落九疑青一笛聲中萬
古情聲情絕處非絲竹漢水秋風黃鶴鳴

綱目

可畏千秋斧鉞誅微言將絕關榛蕪三分獨子劉先主一字難
寬莽大夫筆削豈容叅眾論乾坤未欲喪師儒紫陽特識麟經
意若決江河導泗洙

五代史

兵戈五季日相殘自識歐陽義例難纂國朱温先得統傷心馮

響泉集

詩二

半日讀書齋餘草上

十

無鶴顧氏
重校定本

道又除官祚移石晉君天下地割盧龍艾契丹若使董狐南史
在不須班馬起波瀾

雪窗東帖齋

仙曹才子坐題詩半夜蛟龍起墨池朝來啟戶滿松雪凍鵲驚
飛花墮枝

臥病

蟋蟀鳴牀下淒淒寢席單秋風無靜夜病骨且禁寒頻歲親知
隔他鄉異患干妻孥強解事扶起勸加餐

捧齋先生枉過問疾

藥物那能具蹙然聞足音褰帷坐我榻執手傷人心空巷門羅

雀殘燈鼠齧琴可知貧病感真愧雙南金

卧病浹旬同年范編修

叔士

沈儀部

清任

屢枉見存書謝

飛雪侵簾額凝寒擁被池故人來問疾孤枕爲吟詩藥裏親禪
味茶烟颺鬢絲自慙何水部沈范漫相期

病起卽事

節候已如此蕭然一榻餘庭空霜氣逼人靜樹聲疎卽事身以
外游心物之初聽鐘發真想明月到窗虛

寄題石浪菴

古刹凌層嶂危樓帶九龍門前流萬壑檻外落諸峯雲涌濤生
閣山鳴鳥避鐘排空看石浪風急夜還春

響泉集

詩二

半日讀書齋餘臺上

七

無錫顧氏
重校定本

送春同柯二

蘭溪

何處送春歸還家春事非酒闌花似霞門掩石生衣逕草芟猶
合園蔬摘更肥祇應安拙養未是學忘機

寂照寺呈嵩自上人

頽陽不滿映流潦無定歸舍光照禪性扣寂開僧扉蕩然身心
空坐見雲霞飛方寸湛天末萬象生清暉收視遊大鈞返喧入
聲希爲君証此義掛拂松風微

送人南歸寄鮑三

汀

送客駐蘭槩鱗鱗生夕雲故鄉渺何處千里獨思君經傳無奇
字山林有大文遙憐叢桂樹香發月中聞

溪上九峯靜詩人溪水邊應從大愿子一證小乘禪古月掛青
壁高雲生綠天新涼知有憶拂杖動秋烟

懷端操楊丈

我愛太乙子難藜夜照文先其豈其是於道何殷勤桂樹滴香
雨鶴聲流響雲秋江渺難涉離思徒紛紛

秦毅菴比部齋中觀定武蘭亭

仙郎白首豐眉鬚示我真本蘭亭書字微帶肉骨雄勁仰作針
眼蟹爪殊仰字如針眼殊字如蟹爪列字如丁形字微帶肉是古刻真本右軍作書惟愛此他
日復書都不似三百二十五字間石刻亡來神在紙石刻亦千
百聚訟何紛紛定武有三本劉損識其真熙寧間薛師正出牧求者吝至薛惡其捷

響泉集

詩二

平日讀書齋餘藁上

三

無錫顧氏重校定本

打有損乃刻別本于外多持此以惠求者此郡真贋已有二刻
矣其子細彭又摹之宅石潛易原刻遂於古刻端流帶左右五
字各劉損一二筆暗以自別譬如山陰之遊四十有二人至今傳者王右軍

其餘諸子亦可數未若蘭亭有定武惜哉蠶紙入昭陵遂令玉
匣埋終古唐臨晉帖漸癡肥竟欲將身作虞褚何不生余貞觀
中手摹墨本蘭亭序我聞墨本傳自智永僧太宗取之辨才院

五季圖書盡散亡何由定武能重見玉華宮宣和殿翰墨漂流

市朝變

大觀中詔取此石於薛氏家微廟龕置宣和殿高宗駐蹕維揚日置左右虜騎至倉卒渡江竟失之

南渡

以還亂真贋趙家承旨愛臨池肥瘦穠纖苦費辭此是中原舊
時本石今焉往落東夷二語王大醇詩神龜如意何足道第一摩挲希

世寶

隋末廣州僧有三寶一曰蘭亭書二曰神龜三日如意太宗既取蘭亭真跡僧曰第一寶無之其餘何愛乃取神龜

如意皆棄之

雨止城南訪友

歸雲翻樹沒山腰
隔水幽人近可招
嶺外殘虹猶似帶
波心臥柳不成橋
琴樽自與功名冷
邱壑偏爲雨氣驕
高步天池吾亦笑
坳堂舟芥漫逍遙

丙子秋隨

駕木蘭行圍道中茶賦八首

壯心千里服瑀弧
年少應騎汗血駒
射虎欲穿雞塞遠
放鷹先出鳳城隅
清塵警蹕傳三輔
馳道鳴鐘靜九衢
我后紹

衣

響泉集

詩二

平日讀書齋餘藁上

三

無錫顧氏重校定本

先聖緒

小臣

豪筆効前驅

天接烏桓夜氣清
帳前落葉覺秋生
不逢鄒衍教吹律
欲表田疇勸讓耕
燕市西風宜駿馬
秦時明月照長城
寄言臺省諸公

在伏枕何如扈蹕行

羽獵長楊未足誇
榆關遙望湧銀沙
天門夜雨噓龍氣

夜發南天門雨

石匣

地名

秋霜焮劍花
萬井燠寒

勤省歛一年租
稅聽

宣麻

經過地方免賦十分之三

卽看父老扶鳩杖
猶是汙邪祝滿車

過山秋雨石嶙峋
曉策車徒見廣仁

嶺名

龍角夜分清
六氣鸞旂

天半動三辰尙傳獲雉祠
陳寶早卜非熊起渭濱
侍從敢懷銜

槩慮決雲一劍總隨身

離宮避暑翠微間佳氣全歸 禁裏山闈苑極天雲糺縵瓊林
終日水潏潺獸能率舞遊 仁藪海不揚波霽 聖顏指點遼
西餘故壘斷蟬疎柳露烟鬟

絕壁青紅大嶠奇白榆門戶柳藩籬雲梯虎旅三千乘神策龍
驤十萬師天上麒麟看踐履 禁中頗牧見威儀不徒八九吞
雲夢齊楚何煩費賦詞

風毛雨血下層霄萬騎驍騰不敢驕飛鳥後先爭入駿關弓左
右接雙雕旌旗徑闕秋空闊刁斗聲嚴夜寂寥明發更登高處
望 六龍迴馭塞雲遙

萬歲歡聲動羽林侍臣傳 賜拜多禽黃花白酒重陽好雲罕

響泉集

詩二

半日讀書嘉餘卷十一

南

無錫顧氏
重校定本

霓旌七苑深已解成湯三面網更調虞帝五絃琴車攻吉日賡
歌盛中外咸聽管籥音

論詩四首

陶靖節

陶公羲皇上遠我遺世情北窗弄和風太音本希聲道腴化爲
液冲澹含晶瑩履霜知天寒木落知松貞贈答寓形影意與樽
罍傾遙遙千載心孤雲縱復橫

謝康樂

天下一石才大謝得一斗日月交暉光清暉麗羣有思發卿雲
翔理積坤軸厚扶輪建安製高躡風騷後方從五嶽遊一施巨

靈手君子懷令名文行以爲壽

鮑明遠

明遠信才健滄海發珠貝矯矯如饑鷹孤出跨兩代古風蕩餘
哇雕琴函璫琄中有西京骨秦嶺忽破碎漢魏揚波瀾李杜仰
沾漑頗亦傷險仄下視羞粉黛

謝宣城

小謝躡星辰青山振遺響敬亭朝夕佳雲生北樓上餘霞帶遠
天清景赴遐想逋臣渤海春月明河漢廣飄風墮秋蒂明玕照
天朗前無二百年後爲百世獎

寄薛大庶常

用玉

同年

響泉集

詩二

半日讀書齋餘卷上

五

無錫顧氏
重校定本

我昔塞垣去短衣辭璞庵我今塞垣歸璞庵返江南知君遭大
故奔喪月逾三水宿兼風餐哀毀恐不堪將母悲未遑失帖嗟
靡瞻血淚豈不灑莫向慈闈霽所以廢蓼莪裁悲意猶含愧我
缺弔祭薤露書之縑大孝惟守身大禮君所諳愴然望天末白
旆飛征驂

呈族伯孝謀比部

時伯號
予同寓

拂袖寒烟下直廬閒階運甕復何如清風未埽陳蕃室古巷空
停長者車臣叔真堪濟以上寸陰尤惜歲之餘長安索米垂簾
坐還似涇臯日著書

雲波篇答嵩旨上人

山不厭雲水不厭波波生雲滅山水奈何曰有山水雲波終始
離而去之山水之死一拳一勺胡不海嶽沐英浴靈雲波自若
波斯雲斯山水自爲波斯雲斯山水不知

戲題王宮爛桃硯

時癸公四
上公車

桃花落桃葉青竊桃小兒是歲星歲星一墮久不見待詔公車
來曼倩袖中桃子幾千年攜入金門化爲硯西池桃始華南山
石欲爛我爲東方朔客難君讀東方朔像贊

食菜

予性樂蔬食方秋苗黃芽嫩甲含朝暄根荜吐霜華連畦屬老
圃壓擔出田家稼穡兼作甘酸鹹亦頻加充我藜藿腸式食如

響泉集

詩二

平日讀書齋餘藁上

夫

無錫顧氏
重校定本

餐霞官菜滿都市着水拖泥沙此色不堪民此味洵可嘉晚菘
與早韭對此不敢誇愧非賣菜傭起爲園丁嗟耕鑿順時令帝
力寧有涯

響泉集 詩三

金匱 顧光旭 華陽 五世族孫鳴鳳核刊

半日讀書齋餘藁中 起丁丑 止己卯

置酒高堂三章

置酒高堂其樂洋洋多士乘運四海又康誰謂嚴光不如張良
諸葛未遇躬耕南陽大聲無名異葩同榮比天地壽合日月明
置酒高堂其樂融融言具雞黍匪爲鼎鐘野籬竹扉胎禽初飛
雙鶴已老雛鶴不歸歸來歸來言采藜藿藜藿不充融融其樂
置酒高堂其樂且多有酒不飲仰視明河三山古苔海水一碧
不見其他他見巨人跡雅門撫琴孟嘗霑襟成連已往山高水深

響泉集

詩三

半日讀書齋餘藁中

一 無錫顧氏 重校定本

種松

埽地先除蔓鋤雲自種松嚴霜忽而至蒼翠若爲容此日呼新
友他年看老龍托根須位置移石疊成峯

陶然亭同陳雨亭郎中

天清山近郭地僻夏先秋使我更懷古同君且上樓晴雲高不
定翔鳥去何休亦有垂綸者能知魚樂不

懷鮑三

顏巷無人何所事一瓢孤酌自橫琴青山繞屋夏雲起白鳥弄
烟秋渚深千樹橋荒五畝宅八行書致十年心 去秋得 若洲書 他時得
共鷗邊住古木亂蟬清晝吟

過符幼魯郎中賞雨茆屋賦古琴

古琴漆退光逾潤鼠鬚驚絃拂塵印一宵秋雨打窗來黑蛟騰
出風雷迅云是孫登所撫兩響琴流落人間年歲深稽琴學琴
未睹此但聽蘇門鸞鶴飛清音賞音不可遇古調空復沉惟向
竹床茆屋裏往來遠壁聞龍吟

題廬山圖

黃鶴一聲招客去屏風九疊爲誰開亂山落木猿何處半夜無
人月自來

秋夜讀書簡思補

寡鶴清唳饑鼯呻夜如何其將向晨晨風吹窗灑竹影殘月破

響泉集

詩三

平日讀書齋餘夢中

二

無錫顧氏
重校定本

碎虛無人孟軻希聖乃有立六國縱橫惟賂秦高高碧天墜秋
露五經何處空紛綸

瓦雞不司晨金蠶不吐絲士不通經不足用悵悵六合將何施
古有書空咄咄者其爲士者皆笑之眾星爛爛月睽睽仰視虛
空空所思

讀書得大意乃牢籠天地孔明磊落人蓄眼當世事調笑章句
儒頗亦稱識字隆中高卧二十餘天下三分掌中示古人讀書
曉時務後五百年有李泌

窮達知有命吾還讀吾書若待十年後豈不悔當初螢火照虛
牖蟋蟀鳴前除涼風起庭樹搖落感離居離居復離居作詩問

訊君何如

趙承旨畫馬

馬缺
後是

子昂畫馬身化馬龍性在骨神權奇年深物換失其半尙見渴
飲奔天池銀驥鐵蹄勢方起赤毛紫燄風先馳想見出厩自騰
躍偶使對仗空威儀平時不用致千里異代相看歎一夔伊昔
岳家有馬二一如泰山立不移每飲石水飼斗粟不飲不食無
偏跛其一顧盼不矜寵掣電追風初若遲太尉當時承顧問言
此二馬皆殊姿二后蒙塵此馬恥其革已裹壯士屍今觀圖畫
虛形影畫手慘濟心自知洛陽銅駝在荆棘昭陵石馬何淋漓
千年興廢半匹馬烟雲恍惚安所之諒非神龍不見尾何乃蹀

響泉集

詩三

半日讀書齋餘曩中

三

無錫顧氏
重校定本

蹊風塵爲

丁丑九日同柯策甫陳東巖遊陶然亭限登高二字

滿地秋花不見僧蒼苔黃葉漫相仍奇懷四海二三子叢菊孤
亭一再登加我歲華攜酒過借他山翠助雲興思親望遠憐佳
節欲佩茱萸醉未能

欵冠不整又題糕手板拄頤亦自豪西日倒銜山背落招風斜
趁雁行高出門有客呼鷗鷺立馬看人理桔槔共此天涯兄弟
會折花須插未顛毛

十九日集策甫寓齋限齋字

清歌欲泛酒如淮客坐高秋月
在懷又大重陽須痛飲是阿羅

漢莫長齋

時浙僧嘗
行在座

可憐黃菊似人瘦惟有素琴堪鶴儕倒瀉

天河落杯底不知風露滿苔階

居庸行

王燮公出居庸致書龔思補述關隘之險山水之奇思補有

詩邀余同作

君不見中都之有居庸關猶秦之嶠函蜀之劍門山天下九塞
此其一拱衛神州除外患太行迤北至此數百里兩山壁立層
深而蜿蜒中通一軌出平地重嵐疊嶂猶蔽天此關始何代或
云秦漢前長城亘南北彷彿觀記三千年朝禽暮獸叫寒木欲
不上上羣呼而飛攀嗟彼遊子胡爲乎此間問君策蹇何時還

響泉集

詩三

平日讀書齋餘卷中

四

無錫顧氏
重校定本

水流石罅聲潺湲下有彈琴峽上有佛客懸至今厓石上不知
番經咒語誰所鑄可憐陵谷多變遷騷人羈客空流連請君且
上八達嶺小視雄關若闕井元黃戰罷不須關山風吹衣白日
冷孤松倒掛橫空枝樹林深黑車遲遲如此山兮如此水我思
古人竟何是萬古用一夫竟安得猛士豺虎亂兮邱巒崩蛟龍
盤而雲蔚起朝懸車今夜束馬疾藜鹿角徒爲爾忽前世之興
亡險可恃而不可恃君不見拔劍斫地王郎歌入險出險抑塞
磊落當如何

雪霽望西山呈訥齋兄

出門看青山山色如嘉賓入門對青山山色如主人四海曠周

旋與君情最親昨夜壓檐三尺雪青山不言寒徹骨曉來照眼
數峯明東峯上日西峯月似窺我室無長物貽我片片雲霞活
長安九門次第開空中湧出金銀臺鱗鱗白龍吐奇怪天公玉
戲誰能猜故知性體貴貞潔變化玉質無點埃青山兮青山我
今知爾壽者相行坐還隨丈人行百年交道在風塵青山而面
常相向

盆中綠萼梅賦贈毛編修

式玉

綠髓發青烟天葩寒更妍不勝金谷酒宜對玉堂仙清極不成
夢澹中應有綠君家東海上爲我訪羊權

答朱十二次韻

響泉集

詩三

今日讀書齋餘藁中

五

無錫顧氏
重校定本

昔子事伯兄湘揀翰辨所向謂如三峽水一縱一奔放崇崖大
其防所貴不流客至理有匯歸萬象得名狀區區守成訓非敢
矜好尙春風昨來披素心適還暢

客有航海者趨途慎厥始沿河下舟楫與子觀乎水波濤旣瀕
洞風日亦流美六鼇昂其首三山趾相峙元氣所充周天地有
表裏徒爾極筦闔毋乃忘廣被人苦舍正路道豈不在邇在昔
諸老翁於此竟端委伯兄與雙溪奎光辨難燭繼晷時復默而

坐妙悟空所倚太虛淨微雲一一散爲綺余時甫弱冠粗熟文
選理年來游長安猶得偕仲子彬伯兄久埋玉雙溪採江芷愁
復迷斷港望道邈千里返然收放心舍此竟何是

側身問天地塊然我何人
遶屋太行走石骨青嶙峋
安知風雲會懿此面曰真
名言洵可佩相勗持貞珉

附東晴沙戶部

同里朱雲駿畫莊

長安車馬地徒步將誰向
桃李競春顏紅紫色都放
窗前草青青乘化亦淡宕
古寺賣新羹葩采非一狀
識者獨徘徊雞缸抱微尙
暇日嘗詣君胸懷一以暢

君家好兄弟一一訂終始

伯子

交最初神骨濯秋水覃思

發微言回甘味逾美當其意
得時川流與嶽峙仲子

彬

復儒

雅襟度春風裏幽芳不自言
餘韻足衣被雙溪

奎光

盛文章

過從幸室邇論詩窮正變
探道盡端委析疑疑愈多
辨難每

響泉集

詩三

平日讀書齋餘叢中

六

無錫顧氏重校定本

移晷聚首託深閨杼軸互相倚
經緯出自然絲絲粲文綺其
來歎乖離一散緒難理青山
竟埋骨時時慟伯子宦游久涉

江沅漕采蘭芷

雙溪令瀟溪

仲子聯公車成名返閩里
客窗渺愁

予君懷亮如是

閉戶鏡羣籍出交磊落人君
齒後諸昆意氣殊嶙峋嶙峋亦
何羨抒發皆天真所期在趾美
世德垂貞珉

集帖齋白丁香花下贈變公

丁字闌干丁令家妙香居士妙香花

變公自署妙香居士

白濛濛裏微微

月簾外無人一樹斜

卽目

幾日不來紅糝徑柳枝多處綠藏扉一條閑巷無人至欲墮殘
花待燕歸

愍忠寺牡丹

寺爲唐時征尚麗
將士瘞骨作道場

富貴功名共一塵唐家舊事認前因忠臣碧血灑何處僧院牡
丹開向人接席有花看頃刻垂枝無骨却精神若非雨露深如
許天女何緣又散春

賣芍藥

芍藥花開牡丹謝錦屏銀燭金樽夜一番花信幾家看擔得春
風索高價

寄從弟靈耘慧山忍草庵讀書三韻三章兼呈訥齋

響泉集

詩三

平日讀書齋餘夢中

七

無錫顧氏
重校定本

散映秋樹林枕經白雲屋清心入鐘魚山僧膳茶粥我昔橫素
琴琴聲在深竹

山靜寒復暄林芳石齒齒花開人不來花落香在水虛室生清
風微聞墮松子

嶽峰吐微雲孤月光未滿新知資賞晰舊學共編纂破愚若山
開趨猛若崖斷

漁陽道中

狐奴山色控牛欄潮白交流走急湍一片檀州順州路西風吹
雨入烏桓

暄寒約略似江南樹藝今來自更諳借問課農誰第一漁陽太

守漢張堪

漢書張堪拜漁陽太守於狐奴開稻田八千頃

滿路風吹苜蓿花
水清山骨月明沙
宋遼亭館依稀見
萬古雙

流燕尾斜

牛欄山龍王廟潮白二河合焉狀如燕尾

古北口謁楊令公祠

雁門老將令公聞
此地蒸嘗表奮勳
猶有家聲傳後起
獨拋戰骨殉孤軍
風行天上能爲雨
山過關來不斷雲
應是邊氓皆慕義
靈旗何必定橫汾

馬上呈夢侍郎

誰似王尊叱馭行
羣山轉側爲逢迎
摩風雕鷲風逾上
得路驂騑步更平
塞上烟雲常作態
道傍楊柳不無情
兔窟亦具干城

響泉集

詩三

平日讀書齋餘夢中

八

無錫顧氏重校定本

用聞向秋原學射生

夢侍郎用太白別意與之誰短長語索和次韻二首

白馬關前君馬白
黃花鎮上菊花黃
一從笑覽大人賦
齊楚與之誰短長

雉媒飛起秋田綠
雁陣叫羣霜葉黃
白鳧泛泛煙波裏
鶴脰與

之誰短長

塞垣

塞垣草長水如油
萬古蒼茫易變秋
神樹風煙趨朔漠
潮河日夜下興州
撻金伐鼓開魚鑰
走石漂沙動戍樓
此日邊氓成聚落
年年親見六龍遊

夜題山店

石爛南山客爛柯自敲牛角夜中歌莫向塞門吹簫築一時風起滿關河

荒邨時有虎窺門昨夜還聞吏捉人勸君共享太平樂白酒黃雞邀四鄰

熱河寓舍

山莊烟景似西清水態雲容倍有情借得數椽移榻臥女蘿風帶老松聲

未憶蓴鱸愛晚菘朝朝拄笏看西峯磬_名樵不動僧何處半嶺

濃雲幾杵鐘

響泉集

詩三

牛日讀書齋餘景中

九

無錫顧氏重校定本

夜聞秋雨急如箏曉色潮河草更青爲問舊時歌舞地西涼亭

又北涼亭

風漪八尺簾紋斜手劈琉璃子母瓜忽憶水晶簾外雨吳波吹

動白蘋花

偶緣微步夜聞簫誤入河源度絳霄一水斷時疑失路百花深

處忽逢橋

木蘭

行圍歌

塞垣北走山嶺岼黃雲如蓋趨木蘭兩山壁立插長劍萬木迴

抱巖花攢平明仙仗出警蹕義和鞭馭揚鳴鑼青葱峭蒨日

光下霞氣四出如流丹方今

天子事巡狩農隙講武非遊

觀後先禁裏用頗牧出入軍中驚范韓三千鐵騎縱圍獵十二
天閑當塞盤此時侍從皆屏息猛士鶴立何桓桓 上親發

矢殪兩虎羣賀

萬歲山聲謹飛者走者百旋轉萬馬蹴踏風

一團橫稍跨褶逞雄健風挾兩股搖髀體豈誇生致九青兕未

肯盡縛千黃糴俄頃雲奔電條爍仰見豹尾廻八竿鏘鳴玉珮

侍天駟旌旗至止揚旂鞞番王部落盡羅拜伊昔外國稱可汗

掉鞭笑拂兩隻箭下馬割鮮如虎餐昨來雪片大於席

御

前牽馬攀雕鞍十數

行圍時

賜宴籠賚幣帛多千端 朝

廷駕馭盛威德琪球萬國記莫輝詞臣珥筆歌大雅車攻吉日

響泉集

詩三

十日謹書齋餘夢中

十無錫顧氏重校定本

典不刊

帝心宵旰乃西顧思將相才求治安文謨武烈有

如此創造豈或忘艱難行慶施惠實邦本

微臣

幸屬農曹官卽

今廻馭

駕方啟授衣乘屋關山寒司徒治道擊磬鼓圉人太

僕命彼信萬方送喜

聖人壽雨洗兵馬廻長湍作歌稽首

拜 明威排雲闔闔披心肝

木蘭答秦帖齋見寄八月十五夜詩

我乘黃驄浮紫烟袖中破鏡飛上天仙曹才子詩無敵却寄京

華明月篇爲燒紅燭三過讀眼明如月風謾謾興來呼酒但飲

之况有厨中雪色鹿我不能學霍嫖姚雪滿陰山血滿刀歸來

召見太極殿麾下偏裨紅錦袍豈不能學曹景宗拓弓橫槊南

山高生割黃獐氣如虎醉歌馬上呼其曹君不見四明有狂客
乘馬如船眼花碧又不見鄭文淵美酒百斛置滿船但須對酒
兼對月會當勒馬銘燕然識君詩意且心喜謝莊今夜思千里
爲君懷得爛銀蟾他時放入長江水

熱河酒樓贈那郎中

俊

長楊走馬又殘秋僧帽山前倚酒樓壯士錦衣圍趙瑟美人銀
甲拂吳鉤君非阮籍能青眼我比馮唐尙黑頭塞上醉醒無箇
事西風吹入臥筇篨

飲馬長城窟

古北口同平
五郎中作

飲馬長城窟曠然望郊圻連營擁甲士朝夕耀鐵衣涼颺送逸

響泉集

詩三

半日讀書齋餘叢中

七

無錫顧氏
車檢定本

騎直轡馳清暉雄關本天作所守在德威秦隋恃設險國步乃
與違窮彼黔首力膏此塞草腓寒寒沙礫起草長狐兔肥崇岡
祀楊業空壁吹古旂昔爲掛弓處今來臂鷹歸萬里無中外千
里盡王畿

盤山

盤山如盤龍一盤一玲瓏中盤怪石下盤水上盤直上萬壑松
昔聞去山三十里遙見長鯨掣海撐青空我行指孟冬萬木號
悲風是時野氣變寒霧遠視不見青濛濛俄頃杲杲日東出峭
壁千仞蹲巖熊快劍長戟摩蒼穹策馬盤曲街兩重翠崱絕攀
躋緣藤始中峰稍上厯危磴枯枝垂青紅欹欹斜曲轉飛動如

此巧妙真天工土肥泉甘羅椽栗丹漆相雜堪朝供乃知此山
中膚而外骨其骨下銳上則豐冒險奪隘貪天功苟一退縮爲
所蒙鯨甲崢嶸而龍從上可坐卧寬十弓羣崖飛瀑至此忽奔
瀉頽波直下蒼龍宮馬煩人困憩石上入手片片青芙蓉濤聲
西壓太行走雲氣南與滄溟通又聞萬松之巖有巨石以指搖
石聲隆隆心知勝境具神物身繫官守無由從瓊幃毳帳下山
坐新月出嶺雲朦朧坐思南中諸山廬山好異境一失誰能窮
北來此山特奇妙天使對峙天當中安得閒身暫休暇再來攜
屐支青筇却恨峭石林立如攢豸欲馳一箋乞神聰慎勿更遣
猛虎當其衝

響泉集

詩三

半日讀書齋錄藁中

三

無錫顧氏
重校定本

山暝

客心沉夕馨野色暝秋烟人語空山答風聲萬木傳孤行雲不
礙獨立鶴無眠羣籟同爲寂君聽幽澗泉

盤山夜起

雲氣入高棟峭寒生枕衾攬衣中夜起開戶早霜深欲爇濕薪
火時驚棲樹禽却看荷鍾者短褐下長林

昌平道中懷思補

十月桃花瓣峯名霜寒凝不飛殘山陵樹盡隔水故人遶野燒連
雲遠村烟冒雪微王程不相待何處拂征衣

曉行

破曉據鞍吟低空宿霧深早霜蒸馬背殘月落橋心天遠幾家
夢水寒何處砧雞聲連塞起歸客思盈襟

觀明董文敏烟雲萬里圖卷

有序

圖爲吾邑少宗伯鄒師小山所藏有文敏自序及詩凡山川
名勝各有題識連屬四十餘紙變化層出疎密濃淡略無定
體或以書出一手而畫出各家殆不知畫爾矣圖之以萬里
稱者爲長江此圖自北固溯白帝城如衡湘洞庭皆江行所
不經白鹿洞五老峯距江亦遠槩以烟雲亦宗少文臥遊之
志歟

附錄原詩

并字

響簫泉集

詩三

半日讀書齋餘彙中

三

無錫顧氏
重校定本

天啟丙寅春於眉公處借得石田先生所題郭都閘長江萬
里圖展玩浹旬愛而弗能置也是歲之夏息居湖莊驅暑無
計因思學邯鄲故步追念舊圖蹊徑始自金焦溯源岷蜀渺
焉如夢依依然有可想爰日與子墨客卿管城子相起居興
到則縱筆所如興盡則已起自五月廿二日成於九月既望
凡百有餘日但筆法雜出畧無定體唯以自娛初未嘗欲求
合於昔人也并系之以歌

驕陽赫赫燒晴空湖莊習習來

薰風北窗高臥無餘事意象慘澹開鴻濛潤州北顧青青杏

一點金山望中小儀眞瓜步東南衝肩摩轂擊人紛擾石頭

城闕何崔巍龍蟠虎踞山川遠六朝遺恨水空流舊時燕子

啼春曉千年王氣得所歸
皇祖定鼎基豐鎬采石磯
邊一坏土李白才名冠千古
錦袍捉月舊風流騎鯨飛去
歸何所天門對鎖雙絕壁
魯港烟濤接天白蓮花擢本
望中明九華高下堆層碧
小姑秀削勝大姑不如五老
潛匡廬云是淵明棲息處
東籬黃菊猶在無片帆相送
渡斬黃赤壁黃鶴相低昂
洞庭雲暝君山荒天下大觀
歸岳陽荆南岸極瀟湘中制
河隴扼樊襄三國由來幾爭
戰於今唯見流湯湯湖流直
上夷陵道巫山疊疊相廻抱
神女祠邊暮雨寒細腰宮畔
朝雲嫋巫峽相當灩澦堆
波濤淘湧聲如雷白鹽赤甲
宛相似翠屏丹嶂何年開
我向魚鳧尋往跡導江之岷
神禹德溯流窮

響泉集

詩三

平日讀書齋餘彙中

南

無錫顧氏重校定本

源萬餘里烟水茫茫那可測
不知何年報此圖石田題字
琅玕色思翁見獵心生喜刻鵠
不成空用力自夏徂秋百餘日
日向窗前弄筆墨披圖作詩
聊解嘲忽聞階下蟲唧唧

揚帆出潤州回首寺中樓多少
英雄去空江北固秋

北顧山莊露寺

原題日月光先到山河勢盡來

註山名北固以梁武幸此改名北顧

江氣白如此一痕浮玉青烟雲
渺何處留月照中冷

金山

原題雷靈常問作風雨特往還

鬱勃龍蟠勢南宮筆可吞草堂
烟樹沒寂坐不聞猿

鍾山

原題五月廿七日師南宮筆意

拈將摩詰句寫作金陵譜濟掃
六朝烟濛濛萬家雨

金陵

原題雲裏帝城雙鳳闕雨中春樹萬人象

江畔烏江廟江東父老心君王不肯渡一片楚雲深

烏江廟

楓落然犀渚青天夜月新千秋此高詠寥落兩三人

采石磯

原題青蓮錦袍泛舟之處也

天門兩壁對山夾楚江流日月中門出煙雲空外浮

天門山

原題六月五日仿洪谷子

天生江水東不上永安宮日暮螺磯畔迴颺雲滿空

螺磯

原題楚江高風光漸暖吳孃曾此遭雙尋幽弔古經行遍來
掃斷碑蒼蘚春欲暮但滿日水綠萍香有父老問蠶祈穀盡

日恣歡宴 當時事恨殺周郎輪算荊州幾番借換英雄肯

響泉集

詩三

平日讀書齋餘夢中

五

無錫顧氏重校定本

爲佳人戀空使煙花科斷拚爭戰棄骨肉成終古猿驚鶴怨

憑闌傍晚晚萬點蜀山尖依稀漢闕被暮雲遮斷

調寄摸魚兒

太白真謫仙九華似青蓮相逢兩相賞古月吐華煙

九華

原題劉夢得嘗愛終南太華以爲此外無奇愛女几荆山以
爲此外無秀及見九華深悔前言之失六月望仿吾家北苑

法

江南望江北皖口樹如薺塔影過江橫明月在江底

望江

原題遠浪搖江郭平蕪到縣門

怕上彭蠡船空憶潯陽客湖水入江來風吹浪頭白

湖口

江似白銀盤山似青螺髻水似珮環聲盈盈出天際

小孤山

江月怨溢浦孤亭空復情可憐白司馬不耐四絃聲

晉阮亭

我憶商山翁鬚眉不可見五老隱匡廬四人趨漢殿

五老峯

昔人借隱處芝草霜下綠去久時或來青天騎白鹿

白鹿書院

不聞東林鐘却識廬山而我欲尋遠公蒼蒼閉深院

匡廬

原題余昔遊匡廬再宿東林作詩二首策杖與雲平濛濛空

際行烟江中嶺盡星斗下方橫不隔諸天路差疑五岳名誰

知游楚客頓使九愁輕偃息東林下悠然澹旅情泉歸虎谿

靜雲度雁天輕蒼蘚青碑古優曇應記生豫愁鐘鼓動擾擾

又晨征七月九日仿黃子久意并錄此詩

上有香爐峯下有晉徵士秀出南斗傍菊花開不已

淵明墓

響簫泉集

詩三

平日讀書齋餘藁中

夫 無錫顧氏重校定本

瑜亮合一手炎劉始三分東南名士盡赤壁自風雲

赤壁

原題千古高風懷赤壁一帆寒日過黃州

崔顥留題去樓中詩客稀仙人夜吹笛黃鶴遶江飛

黃鶴樓

原題晴川歷歷漢陽樹春草萋萋鸚鵡洲

尺幅浩煙波依然吞八九昨來夢裏雲掛席落南斗

雲夢

余夢中句云掛席吞雲夢

突兀眾峯出楚帆天際還我心落湘水九面望衡山

南岳

原題七月廿三日師高尚書法時驟雨初過涼風忽來

吳楚東南坼乾坤日夜浮長吟杜陵句身在岳陽樓

岳陽樓

原題朝暉夕陰氣象萬千此則岳陽樓之大觀也

帝子綠雲開傳聞駐此山山痕青未了飛雨卷風鬢

君山

原題堯女湘君居此

三楚控襟喉三巴指上游阿蒙強解事搖櫓襲荊州

荊州

一峯一窈窕一峯一飄渺想見楚襄王夢醒雲破曉

巫山

原題巫山秀絕人寰非狂奴故態可得而形似也稍用黃鶴

山樵法八月望後二日

宋玉高唐賦巫山神女祠朝雲復暮雨楚客至今疑

神女祠

歸夢黃雲積空江烏相門女嬃砧上月孤照水邊邨

昭君村

原題北使親迎捧詔書錦車從此換穹廬交河衰草隨愁盡

豈是嬋娟墮地初

響雪泉集

詩三

半日讀書齋餘彙中

七

無錫顧氏
重校定本

如象復如馬翟塘五月封行人爭涉險莫更使飛篷

麗預堆

何恨倚山木

少陵

巴東巫峽長三聲猿嘯樹萬里客廻腸

巫峽

雄兵降陸遜么磨矢桓温依舊龍蛇跡江濤落陣門

入陣圖

江水流何極岷山勢盡來蒼茫餘漢業浩蕩蜀門開

自帝城

原題山從人面起雲傍馬頭生自此溯流而上爲岷山長江

發源之處也圖成時九月十有四日

思補至自昌平病甚詩以慰之

別後重相思思君君不知旅人多落拓病骨太支離今古愁彈

欽乾坤看奕棋喜來占勿藥應與濁醪宜

集小山師曉巢卽席得情字

小宇亦如畫羣賢列坐清菊殘寒不落竹亞翠交橫頤養歸文藻鈞陶到性情卽看花着樹百鳥繞窗鳴

輓座主海昌相國陳文勤公四首

夫子登清廟 先朝重石渠人思興禮樂 帝用詩說書

鄒魯開堂庶經綸任卷舒太邱承世德家學漢京餘

文正 湯 尊吾道高安 朱翊 聖朝大儒相步武端揆若同條政

事蕭曹一陰陽丙魏調似聞吁咈語干羽格三苗

賢相當朝日還如一布衣封章趨 帝座捧 詔下綸扉元

老無他技賢才得所歸生平康濟畧肯使寸心違

子告初歸政逢人說報恩致身終許國辭 闕未還轅 予告後瀕行疾

響晉泉集 牛日讀書嘉餘彙中 夫 無錫顧氏重校定本

發卒於 隆禮哀榮極嘉謨典冊存可堪梁木壞一慟大賢門

玉皇觀哭龔思補

樗木得脩幹瓊枝落秋漢我心竟誰知哭君玉皇觀與君爲友
朋生死同聚散萬古一盞棺杳冥何時且我初自矜尙君藥我
以遜我方急脩名君示我以愿我特質疑事君啟我以斷君靜
而我躁君敏而我鈍同居長安中我窮君亦困流輩競徵逐得
失較尺寸澹泊君所安刻勵我亦勸去年訪君處白日閑孤館
今年哭君靈螢火淒幽幔人生百年期憂患去其半君年三十
餘耗慮奪壽算遺響撫琴床棲塵積書案草露寒螢啼古瓦蒼
鼠竄我哭君應知我歌君亦粲悲哉遲范式貧也恥原憲引柩

我執紼虛位君尙飯藟亦有時焚桐亦有時爨水亦有時竭石
亦有時爛脩短何足憑天道殊漫漶悠悠棄我去長此增永歎

校士 己卯秋
關中作

我思海忠介如山有泰岱我思熊次侯如器有鼎鼐昔我八世

祖瓊海得公在洎我高祖時漢陽出當代

海忠介先 八世祖
河陽公門下士熊次

侯先 高祖勳齊
公己丑分校首薦

文字內大儒相輝映後先百餘載由今溯

國初極感難爲再

熙朝協文明五色羅藻績藻績何足多不辨懼目昧試官任
掄才摸索資進退顧慙伯樂知欲空冀北隊豈無荆山璆忍使

和氏廢豈無珊瑚枝轉慮鐵網碎重簾闌幽光氣數分顯海取

響泉集

詩三

平日讀書齋餘藁中

充

無錫顧氏
重校定本

人豈徒言磊落看意態敢云紹家風於此求俊乂得士佐休明
持作 大廷對

響泉集 詩四

金匱 顧光旭

華陽

五世族孫鳴鳳校刊

半日讀書齋餘藁下

起庚辰
止壬午

詠史

二五曜白日衰周如長夜千戈無終極禮教則不暇繼之以暴
秦項王起叱咤坑餘見儒服高談雜王霸乃公馬上來祀孔不
能罷猶聞魯兩生敬爲叔孫

何以來昌言鐘鼓磬鐸輅何以明等威旌旗及埽旒崇卑象天
地左右若師保總章擇芻蕘惟善以爲寶國有誹謗木庭有指
佞草草木何所知示我於大道

響泉集

詩四

半日讀書齋餘藁下

一

無錫顧氏
重校定本

不踐鴻溝盟能忍白登恥君王雲夢遊縛取一壯士壯士安得
歸長歌大風起風起雲飛揚士亦報知己烏中五百人盡爲田
橫死誰殉垓下軍烏雕美人耳

霸王王西楚魯公葬東魯吾欲撞玉斗吁嗟彼亞父渡江八千
人亡秦起三戶富貴思故鄉英雄戀兒女四面皆楚歌拔劍淚
如雨哭臨者誰歟亮哉漢高祖

王道無近功霸圖無久治誰能補山龍颺言動天地正心正朝
廷必先誠其意如何內多欲而外施仁義汲黯爲大臣夷吾爲
小器

爲法如牛毛析利如秋毫能使宏羊烹不遺商鞅逃以此求富

疆警猶火銷膏始皇并天下任刑及山赭侈然大秦國不識鹿
與馬縱有牽犬人安知斬蛇者

酈生三寸舌下齊七十城婁敬脫輓輅關中開漢京二生曉時
事董公大義明發喪尊義帝一舉赫厥聲惟彼三老言遂使帝
業成所以子爲政必先正名

帝王自有真推心置人腹將相本無種抱薪供豆粥社稷亦既
安天下蒙其福故人嚴子陵乃復加以足陶鑄堯舜君高躡箕
穎躡東京崇氣節吁嗟乎文叔

漢發二萬乘言迎渾邪王縣官貰民馬無錢安得將鞭撻其丁
男還家賣牛羊牛羊亦何惜但慮傷農桑出馬備馳驟鬻子充
芻糗孰謂柔遠人而不求父康

鄉賢自永集

詩四

半日讀書齋餘葉下

一一

無錫顧氏
重校定本

鄧通吾弄臣行詣丞相府丞相尊朝廷羣臣孰敢侮法以示子
孫禮以明秩敘蠹啄扑柱梁蚤芒走牛羊直突見焦爛蟻穴貴
隄防孔光下董賢終竟隳王綱

白璧不可爲容容多厚福公卿類拱默忠讜皆側目徒葺朱雲
檻竟下虞詡獄孤松掩單枝特立表寒谷豈翳炫高節於此儲
大木

逃名名我隨避名名我追封彼綿上田以求介之推出門四顧
望但見塵與灰上有白雲流下有塚壘壘七貴珥金貂五侯相
光輝烜赫寧幾時萬事邱陵摧惟此獨行士隱身甘採薇夷叔

亦既遠首陽高崔嵬

魏武好法術魏文慕通達清議不復行天下賤守節放誕盈朝
廷此風不能革晉初置諫官傅元性峻急整簪捧白簡貴游頗
震懼緬想臺閣風卓立森天骨如何長浮華賣李鑽其核惟天
有北斗尚書爲喉舌

蕭曹尙清靜而民以寧一張趙舉郡吏頗亦通經術吏習已成
事士以身爲律事習弊亦乘身律罔不率降自魏晉來天下網
營密察行按簿書量才取刀筆任法法從人夔龍困桎梏影端
由表正清流在源潔我欲正人心孝弟民之質

鎖院奉題蔣虞山相國松礪鳴泉圖

響響泉集

詩四

平日讀書齋餘葉下

三

無錫顧氏
重校定本

紫微露濕宮花明 詔書一道趨登瀛重簾書鎖白日靜春風
吹作松泉鳴云是南薰琴上聲清廟明堂臣拜賡冰壺春空玉
尺平黼黻河漢松雲清松泉噴涌連滄溟夜聞跋浪翻長鯨忽
憶虞山看拂水海日欲出纜三更隔林琤琤戛寒玉萬壑銀濤
走空曲又聽桃源澗底雷山行十里如新沐前山正值桃花開
飛花落澗隨人來此泉水出自松澗流入龍池徧九垓長松蒼
蒼誰所栽漢家將起柏梁臺欲追雅頌須鄒枚詞源倒流三峽
迴詩公且譙瓊林杯深松壘礪泉源遠天雨文章接上台

關中對月

黃金臺上月今夜入簾深紅杏幾枝影青天一片心太虛光上

下滄海氣升沉定有蚌珠出鮫人室可尋

爲秦大司寇題蘭竹卷

渭川千畝玉森森分得篔簹露滿林寫出清風明月影始知難
書是虛心

直從空谷到蘭叢相視無言臭味同門外不知桃李笑爲君紉
佩向春風

閱卷罷偶書

黃鸝高坐日卓午花影半簾撥篔簹紋底事含情獨悵悵亂紅如
雨白紛紛

樂泉精舍歌

爲張有堂先生作

響泉集

詩四

半日讀書齋餘藁下

四

無錫顧氏
重校定本

張公一生江海客

用杜句

晚聽禁鐘看太液苑柳宮鶯二十春荷

鋤帶月峴泉脈泉聲夜溢龍池清半潭忽涌先生宅知水仁山
見性情先憂後樂忘朝夕閒來却掃苔石眠苔草自綠巖花妍
坐攜北海一樽酒行讀南華秋水篇君實歸時尋獨樂贊皇垂
老倚平泉爲問試泉山寺外竹爐何處飛茶烟

芍藥詞和岵齋

軟紅塵裏豐臺雨婪尾春中紫陌晴風謔雲驕香十里六街爭
喚賣花聲

紅影翻階白晝遲春風小謝獨吟時殷勤折得珊瑚柔雨過天

青試古蕤

漫道臨春卅麗華赤幢翠節艷朝霞十年心跡清如水帶雨鋤
烟學種花

舞酣飛燕妬輕盈垂下珠簾聽曉鶯深苑無人誰省識披香博
士淖方成

折贈風前露未晞鳳城春後雨初肥萬花寂寞東坡老不羨揚
州金帶圍

題吳揖峯寄淮草

綠水青山似洛陽年時倚櫂過橫塘千條弱柳閒門裏朱雀橋
邊草又芳

羅襪新涼怨玉階半橋斜月照秦淮六朝金粉飄零盡載得紅

響泉集

詩四

平日讀書齋餘藁下

五

無錫顧氏
重校定本

蕉臥舫齋

揖峯昔從金陵賦紅
蕉一本有詩極工麗

板橋舊事何須記二十四樓無故箏痕籍烟花爭不得僧寮鷓

鷓喚茶聲

揖峯云集全金陵軼事甚夥
欲購板橋雜記不可得

破屋人歸吹洞簫拋殘檀板醉無聊可堪暮雨蕭蕭曲都付春

江夜夜潮

苔

荒徑積幽思日斜青樹根兩交蟲鳥跡花沒水雲痕客去看行

處秋來欲閉門舊廬傍巖戶峭壁翠堪捫

晚過捧齋先生宅

時先生
居母喪

涼雨怨秋鶴哀音動九臯葉殘風自掃門掩月初高山鬼囊羅

幙篝燈讀楚騷淚枯餘骨立應爲惜顛毛

題周式祖畫寒雀爭梅

曉風吹月落庭樹啅寒雀雀啅簷前寂復喧一枝兩枝梅破萼
看君淡掃江南烟冷光照眼清而妍羣雀無聲忽來集飛出豪
端枝上立晴雪驚開客到門參差凍羽爭寒色

集秦礪泉瑞芝軒

四海論文地階前產紫芝三山攜酒客日下賦新詩一葉驚秋
早叢花覺露滋起看簷月白相與話歸期

送捧齋先生

奉太夫人
樞齋梁溪

愁心與帆遠返照黃金臺白馬素車去悲哉秋氣來檣烏啼夜

響泉集

詩四

平日讀書齋餘葉下

六

無錫顧氏
重校定本

永岸秋劃波廻明發蒼茫際迢迢朔吹哀

勞形竟何益萬事若飛塵所願承親志爲持報國身孤征悲

雁序獨立看松筠客有生芻感多愁霜鬢新

病骨抱虛警裴徊涼露時才名邀帝簡諫草畏人知瞻望

空將母劬勞欲廢詩長風吹我夢相送大江湄

蕭然餘舊館種樹已成林落葉風霜苦離堂涕淚深桑麻三畝

宅師友百年心執手黯將別楓江起夕陰

戲效飛卿體贈燮公

馬卿初試鷓鴣裘銀燭金箏敞畫樓斗酒聽鶻如昨日哀蟬落
葉又涼秋微霜漸逼鴛鴦瓦殘月猶銜玳瑁鈎強欲問花花自

笑傷心百舌五更頭

移居三首

自甲戌秋寓宣武門外保安寺街至庚辰秋移居官菜園上街

客舍鄰蕭寺聽鐘幾歲年移琴秋水高枕白雲邊金盡書堪
載朋來榻正懸馬却門徑改迥立望青天

老圃青郊路秋林白板扉稍看城闕遠漸覺往來稀山果熟頻
落水禽低自飛半陂安釣石何似舊漁磯

山色赴秋懷烟嵐日夕佳先生移五柳深巷蔭雙槐落葉風三
徑開門月半街朝回容養拙徒倚讀書齋

南窗卧起言懷

未須多屋宇迺問廣田園室有琴樽樂門無車馬喧桑榆八九

響響泉集

詩四

平日讀書齋餘景堂下

七

無錫顧氏重校定本

樹烟火雨三村臥起南窗下庭前幽鳥言

題畫

山根一片紅雨天際幾抹青烟欲問幽人何處千巖萬壑流泉
道士步虛詞十首

九乳春鐘五舌簧沸天歌吹散空香玉虛紫館無形象一叩丹

山叫鳳凰

四角無端石柱連中央一頃是瓊田幾人曾見空青樹桃熟綏

山望得仙

洞中飛雨細於毛煮得紅泉未薦桃夜半天門開蕩蕩罡風吹

冷鶴綾袍

珠樹交花玉樹陰層城仙駕上千尋雲中雞犬都無恙却道淮南不小心

三元甲子本無名有物先天得渾成朱鳥春窗窺不見九華深殿夜何清

朝登日窟躡丹梯夜宿天庭月又西北海忽如南海儻玉函金簡印龍泥

甘泉朱實啟芝房勾漏丹砂秘藥方再拜瑤池見王母絳河遙隔替容光

沉澆中宵濕戒衣淨壇香散曉煙霏不知太乙升靈駕玉字高寒一鶴飛

鄉音泉集

詩四

半日讀書齋餘筆下

八

無錫顧氏
重校守本

天路迢迢星漢斜白榆歷歷指煙霞燒鉛鍊汞成何用乞與仙人種杏花

神仙位業洞靈尊太上忘情是靜根萬有寂寥天地始五千言外竟無言

諸葛銅鼓歌

尺有七寸銅鼓圓束腰空腹四耳穿狀四水獸走四邊丞相出師破蠻煙槽木爲杵聲淵淵擊銅鼓鳴蠻酋怒朝聞銅鼓黑水南暮聞銅鼓五溪滸人間豈有真天神鼓聲動地不知所遂至滇池入其阻諸蠻聽鼓苦復苦苦復苦丞相武攻爾蠻心復蠻土俘爾蠻酋釋蠻虜吾陳吾師整吾旅整吾旅挂

銅鼓銅鼓鳴蠻酋舞朝椎半夜烹殺南人誓不反銅鼓懸終古
幽巖絕壑處處鳴擊電奔雷走風雨不知銅鼓復幾許至今往
往出深山一鼓猶能靖百蠻

古行路難五首

工采五山之鐵精爐鑄六合之金英成此龜文漫理之寶劍斫
地擊柱鏗有聲鏗有聲劍有缺楚可破越可絕伍員之目從可
抉君不見梧宮秋吳王愁

髮上衝冠歌欲闌聽我古歌行路難田光一死幽燕丹風蕭蕭
兮易水寒登高臺而眺遠獨學涕多闌千古道蒼茫問長路中
有英靈自來去庸人高枕而不知勞勞聖哲交馳驚

鄉音泉集

詩四

今日讀詩齋餘葉下

九

無錫顧氏
重校定本

驅馬入大梁迴颺四飛揚信陵在時客滿堂信陵去後虜魏王
夷門行人長歎息張耳曾爲信陵客當時豪俊思舊恩意氣猶
能感廝役君不見養卒說燕歸武臣行車照耀邯鄲人

子胥笞王墓倒行逆施愁日暮范蠡泛五湖可行可止歸陶朱
張良塚中葬黃石魯連箭上飛素書四子出處何獨殊孤雲御
風爲卷舒行路難行踟躕

天上五城十二樓望之不見心煩憂密山玉策安可投欲往不
識蹊所由言從穆王躍紫駟且縱子緜崑崙邱蓬萊清淺溷不
流瑤谿赤岸行復休抵節行路吟且謳但見齊州九點青烟浮

綠水曲

綠水清紅蓮並蒂白蓮傾蓮葉半枯蓮子大雪藕冰絲出泥流
江頭日日擣寒衣粉墮紅漂人不歸

靜夜思

露螢帶火宵光濕秦女拋梭乍停織四更月出星漸稀羅襪侵
寒下階立鄰雞一聲吠犬喧遙遙征鐸鳴秋原夜蟲不語聞人
語欲問關山淚如雨

白紵詞三首

揚青娥歌白紵簫管齊鳴應盤鼓輕縠隨風爲君舞錦箏銀燭
月未午玉盤珍羞酒如乳眾人皆醉孰賓主千載蛾眉一坏土
吳宮青草沒雕礎江南猶有春申浦

響簫泉集

詩四

半日讀吾齋餘葉下

十

無錫顧氏
重校定本

江南白紵白更鮮東門之池清且漣疏之屬之絕復連當機廻
杼挑文鴛鴦雙翔亦雙宿持感君意寫衷曲裁作舞衣看不
足清歌婉轉繞君屋管急絃繁柱何促飛聲激楚往而復涼風
吹草萋萋綠

春清縹酒浮淥觴九秋之夕歡未央樺燭爛爛幄幕張丹唇皓
齒發清商提袂徐進振華裳螭蟬揮霍紛遺光改曲變度驚鴻
翔與子攜手歸閒房黼帳低垂金鍾香同夢不知更漏長烟鐘
曉動鳴秋霜

涼州詞

歸馬陰山西放牛陰山北瀚海廻波洗血腥燕支上日開顏色

延袤萬里長城古虜騎當年寇邊土秋冬甚寒春夏風不能疾
驅越沙鹵平城之下亦誠苦七日不食不穀弩漢文奮起躬戎
服漢武繼之大用武三十年餘掃北庭虜其名王以十數是時
上御甘泉宮羽書夜報曰旁午按圖一一見山川髣髴猶能辨
險阻但言斬首千萬級詎謂邊人飼豺虎匈奴創艾民力疲寒
沙廣漠駝鳴悲諾水東山刑白馬漢家所費已不貲壹勞久佚
安可必聖人處此羈縻之聖人處此羈縻之有道則守在四夷
古無上策馭戎狄今見單于款塞時

前有一樽酒行

前有一樽酒主人起爲壽賓客紛滿堂意氣各云厚管寧一揮

鄉音泉集

詩四

半日讀書齋餘業下

十一

無錫顧氏
重校定本

鋤割席斯既久誰殺周伯仁金印大如斗鋤亦未及揮印亦未
懸肘中心起波瀾對面隔山阜東園欄桃李秋實悅吾口西園
種蒺藜秋風刺其手

行行遊且獵篇

行行遊且獵迺在瀟灑以西涇渭之南長風千里見秋隼駿馬
一出霜楓酣上有千仞壁立之崇嵐下有杳冥不測之寒潭欲
射猛虎不敢以徑入烟林昏黑難爲探歸來連山見寒燒彎弓
射雲仰天笑殘雲點空薄於縞

獨漉篇

獨漉復獨漉乃在沮洳間沮洳不容足沾體徒蹢躅足寒傷及

心河崩壞在山我欲捧土塞東海六齧昂首嗤我頑木落遺阜
有客緼袍寒溪無聲四顧寂寥伊尹負俎太公鼓刀伯牙遞鍾
逢門烏號荷遇乎時順風鴻毛軒轅六相身尊道高端木一語
立槁鮑焦幽谷有蘭衡門有蒿青松朱桂歲寒後彫

秦帖齋儀部奉

命伴送安南國使之粵西贈別五十韻

日南臨漲海正朔奉遐荒藩服通侯印皇華上國光春帆宜送
往秋漢訝巡方五兩波濤外雙旌日月旁壯遊凌百粵遠興動
三湘爲指虔翻宅都看陸賈裝璽書開碣石鏡吹下維揚錦纜
牽隋苑珠簾帶蜀岡此間輝棣萼可以慰萱堂

時帖齋期令弟於邢上聚陪

響泉集

詩四

平日讀書齋餘藁下

五

無錫顧氏重校定本

江永王程緩樓空御柳長石城仍虎踞天塹儼龍驤雄麗成都
會蕭條古戰場扣舷歌浩浩鼓柁走湯湯八九吞雲夢東南望
武昌鷓鴣啼不斷鸚鵡水中央故郢平蕪綠晴川落照黃從來
騷客地真到白雲鄉道路逢迎慣詩篇應接忙不同王粲賦可
共謫仙觴澹澹郎官水盈盈漢女妝江心溢浦月篷背洞庭霜
人語諳山鬼猿聲識夜郎尉佗城自圯交阯路相望桂楫朝堪
渡榕陰晚正涼 王人持 玉節介士拜 金章曲館閑華宴
高臺記越王珊瑚交作樹瑋瑋並爲梁翠羽明珠貢魚鱗紫貝
房樓船楊僕將銅柱馬援防都護初安塞羈縻州名始屬唐祇今
環帶礪是虛懸梯航車有針能指天非尺可量自厓收薏苡傍

舍蔭桃榔忠信字蠻貊崎嶇足糗糧中宵呼屈宋問道越齊梁
預擬回朝喜無如別思傷七千程遠近三百日迴翔期子松
醪熟貽余嶺雪香去看沙草嫩歸及野梅芳肥帖思何極馳驅
竟不遑爲君歌四牡令我愧羔羊萬國冠裳會千官鷓鷯行早
年隨畫省幾度賦長楊聚久輕離別情多易慨慷迴飈吹馬尾
跋燭看魚腸鉛槧探無益車書統有常宮花明劍佩海日照扶
桑捧詔重霄上傳聲萬里強一行承錫命八表仰垂
裳何事疑猿鳥相期集鳳凰

送王生

永禎

落第歸松江

無人知老驥之子滯公車吾道恥干祿名山歸著書一竿三泖

鄉音泉集

詩四

平日讀書齋餘藁下

三

無錫顧氏
重校遺本

上半畝九峯餘枕石看雲起因風自卷舒

秦味經先生秋堂講易圖

元雲無定體應龍不常儀阮公悟象始裁書答伏羲伏羲世遠
安可追秋堂講易堪吾師圖中竹柏松交枝屋前太古月照之
觀象畫卦玩其辭戶外之履知爲誰竊聽不敢問疑是服子慎
排闥徑升牀或恐來楊政諸儒之說何紛紛先生與我居相近
我生未到容春堂康節而後思文莊九峯落日五湖白八卦殘

缺臺荒涼

慧山之麓有邵二
泉先生點易臺

師友相承三百載先生已復鬚眉

蒼口授指畫摩丹黃施家弟子餘芬芳經術豈獨桑梓光研硃

滴露山泉香

業師二首 并序

予少侍胡庭瞻先生 在 陸炳西先生 庚 執經受業久暫不一
知己則均言念典型老成徂謝無復先民遺矩矣黯然心喪
弔祭闕如悠悠歲時寄情乎辭

昔賢通六藝後儒專一經豈徒事訓詁奉以爲典型吾師康侯
裔蟻螻遺利名布衣蔬食中獨得周孔情譬如撞巨鐘有扣無
弗鳴譬如注欝器適中無弗平遂令三年志不慕公與卿汝南
謝許劭高密揖康成

我謁子陸子累月遺想像閉關闕無人澄心眇孤往始若穿鳥
道失路墮榛莽久之窮冥搜百步豁開朗鞭我挾經心縱我脫

響雪泉集

詩四

半日讀吾齋餘卷下

南

無錫顧氏
重校定本

塵埃以此寒餓腸賴有典籍養秋風被薜荔窮巷寡輪鞅成連
去不還青天臯鶴響

題友人永慕圖

一燈熒然照屋隅似聞慈母聲嗟吁母衣單衣無複襦手持刀
尺量兒軀兒欲別我庭前趨昂藏七尺偉丈夫征衣四出母何
虞倚門不得過門樞吾友寫此血模糊八分大書永慕圖堂前
自有松竹株堂後陰翳交雙梧歸飛啞啞屋上烏老烏在特哺
其雛老烏一去木葉枯雛烏夜夜長悲呼

夢帖齋

閒官興味成中隱長夏陰晴似早秋夢裏江風吹白雨因君直

下秣陵舟

重陽答王生

中字

重陽一何好舉世愛其名菊色兼松色風聲雜雨聲移時人獨立無數雁南征拂袖撫商調傳子巖壑情

和帖齋宿賈太傅故宅

今古誰先醒其如賈傅何猶餘漢廷淚廻作楚江波破廟行人少陰林怪鳥多却看留宿處難和郢中歌

憶南華兄碭山

落葉下淮流知君畏遠遊風聲廻沛邑河勢繞徐州負米晚歸里吟詩閒上樓江南數千里天際一孤舟

鄉簪泉集

詩四

半日讀書齋餘葉下

圭

無錫顧氏重校定本

辛巳除夕

三十平頭客夢驚長安爆竹又飛聲別來千里晨昏隔漸到中年喜懼并紙閣燈深親戚話辛盤酒煖故鄉情遙知吳市烟紅處惟有梅花伴鶴清

和持翁金山寺

遙知攜鐻笛吹上妙高臺飛鳥日邊下落花天上來金山無佛印玉帶自仙才但覓題詩處休將轉語猜

送秦刺史

傑

赴歸州別後却寄

騎吹西陵峽灘聲走亂沙颿連夔子國砧響女嬃家到日經封篆清時早放衙政成春晝靜閒落訟庭花

上巳偕王侖山秦帖齋陳太暉遊陶然亭

微雨清四刻閒亭澹如此光風悅僮僕客心洗流水落日八九
峯逍遙二三子空悲永和人來者復誰是

寒食玉皇觀追懷龔思補

昔年吾友沒曾此撫琴床古院又寒食春風吹野棠招魂諸弟

隔

訓敬修兄弟

挂劍故山長遙笛怨青草萋萋滿夕陽

南窗讀書雜感五首

少年文史足三冬遊宦茫然失所從漫道雲霓多是雨爭知桃
李不如松秦灰已冷埋邱索漢禁初除識鼎鐘半日書齋無一
事欲將斷簡問夔龍

鄉音泉集

詩四

平日讀書齋餘菓下

夫

無錫顧氏
重校定本

萬古江河走大荒欲尋興廢只微茫漢家制度兼王霸晉代風
流半老莊涿鹿無心麾斧鉞山龍有象服衣裳何如一和南薰
曲殿角松聲晝漏長

西京豹虎復東京捆載圖書付甲兵徐福徒爲秦博士公孫已
失魯諸生傳疑外史遺天祿周覽中原久太平閉戶不知經世
術烏啼花落向南榮

陋巷蕭條春自歸漫攜童子試單衣飯蔬飲水浮萍淨弄月吟
風鼓瑟希夢裏不知周是蝶漢陰豈悟甕爲機古人懷抱向空
盡回首風塵事已非

飛鳥依人去復迴羅幃舒卷爲誰開階前黃雀不須逐席上青

蠅何自來蘇軾舊遭元祐禁孔融常歷建安才何當濯足滄浪
水賒取春風濁酒杯

朱五眉壽寫試泉圖見寄奉酬長句

短李讀書温樹外孟端寫意竹爐間多君昨夜攜團月知我經
秋憶故山松翠濕衣茶夢冷雨花吹壁石牀閒漪澗堂下烟林
遠指點虛無見鳥還

次韻揖峯咏菊

元亮一瓢飲閒居常寡懽隱身甘蕩落與菊守清寒對此人逾
淡兼之秋已闌露叢香可掇吾欲廢朝餐

與何吏部

逢信

同除監察御史賦贈二首

壬午九月十九日

鄉音泉集

詩四

平日讀書齋餘業下

七

無錫顧氏重校定本

金門欲並青驄馬

玉陛相看解薦冠對仗應聲趨

闕下整

簪連袂到臺端曾於分校窺經術

已卯廷試差何與予連名是秋同分校順天鄉試况

復新除職諫官肯讓排雲韓吏部獨將心跡比琅玕

風塵都是十年流行坐常懷百世憂但涉名心非國是便焚諫

草亦身謀禁中亭午留程顯市上臚傳促馬周補闕拾遺資左

右不知何以答 天庥

松柏庵追懷裘超然編修

麟

鳴琴不可彈憂思杳無端夕景依鐘盡秋花抱石寒酒壚悲舊
侶凭唄散空壇坐憶安期子何因生羽翰

送表弟周式祖南歸

獨客吾憐汝難爲離別吟征衣慈母線旅夢故園砧山外冬青
樹門前秋水深涼風起天末千里片雲陰

讀秦始皇本紀偶書

祖龍不欲置諸侯廷尉何心定此謀自有睢麟風列國豈關封
建弱東周

響泉集

詩四

半日讀書齋餘葉下

六

無錫顧氏
重校定本

響泉集 詩五

金匱 顧光旭 華陽 五世族孫鳴鳳校刊

可耕餘藁上 起癸未春 止甲申春

乾隆癸未春予奉

使畿輔察民隱洩流潦爲春畝計既而

上召少宰裘公問治水狀

賜詩有日繡衣分督濬漸有可耕勢言漸言可憂民至矣是

秋歲大有越明年甲申予視儲通路至丙戌秋還京屢見豐

稔檢篋中餘藁附以丁亥所作名曰可耕於以歌南風而頌

帝力云爾

響泉集

詩五

可耕餘藁上

文安縣二首

落日文安縣孤城水氣侵艱難使者職饑溺 聖人心歲望

黍苗長春愁荆杞深沿洄舍舟楫驅馬夜駸駸

濱淀隄千里 千里長隄爲霸州文安大成雄縣之經營自宋元

老泉餘宦蹟 老泉爲文安主簿 蘇家橋其舊蹟也積水漲橋門疏濬還歸海 時有海不

受水之說流亡已失村共聞明詔下何以副 深恩

附和作

同里 朱雲駿 遜涓

積水田淪沒哀鴻歲月侵那堪臨鵠面猶未免蓬心獨痺勞

臣職草敷 帝澤深咨諷應不倦徧歷馬駸駸

蘇公一主簿遺愛浸黎元太息我行野空聞吏打門柳河悲

塌岸平曲盡荒村其切痼癩念 朝廷沛湛恩

蘇公祠

蘇公古鎮已凋殘剩有荒祠檜柏寒一代文章傳軾轍數椽風
雨拜衣冠愧無經術言何補念到瘡痍事正難手欲障川東入
海層樓極目動波瀾

白沽舟夜

白沽西下暮潮生烟淡雲寒楊柳青半夜沙邊覺人語暗風吹
過峭帆亭

提筐行

少婦啼饑老婦泣中婦提筐立原隰欲渡不渡無方舟野田流

響泉集

詩五

可耕餘草上

二

無錫顧氏
重校定本

水聲嗚咽我行見之心內傷問婦不答置竹筐竹筐青青采楊
葉何日南風大麥黃

昌黎縣謁韓文公祠

朝行右北平暮入昌黎縣韓公封邑今尚存萬室鱗鱗枕剡甸
山光入戶月照祠拂衣下馬瞻高堦青苔白石屹相向宿雨滴
漚松參差虛廊無人肅齋沐凌晨灑掃陳明粢泰山喬嶽忽到
眼孔孟既没文在茲衡陽雲蔽眾峯出鱷魚夜徙腥風吹公之
精誠動天地元氣沁人人心脾中朝大官老於事羣臣不言言
者危御史臺上天旱狀連州忽貶韓退之今我生逢 聖天

子論民疾苦

帝曰咨開倉發粟布

德意豈獨租稅蠲免

爲草粟已緩京兆府蠶麥自荷皇天慈逐妻棄子且歸止折屋
伐木能勿悲公今在天作雷雨願普膏澤療民饑吁嗟乎前年
夏無麥去年秋無禾安得使民飽食家絃歌公平公平當若何

永平道中望夷齊廟

寂寂夷齊廟迢迢暮靄間清風孤竹國古月首陽山饑歲炊烟
絕遺民採蕨還蕭條北海上驅馬近榆關

過橫山偏涼汀小憩

灑水聲無極當流橫翠微竹房盤鳥道松雨挂僧衣潭影自空
性車塵聊息機坐看垂釣者薄暮得魚歸

早發薊州

響泉集

詩五

可耕餘曠上

三

無錫顧氏
重校定本

畏此簡書急凌晨促馬蹄泉流山向背月落樹東西麥浪黃雲
闊人烟白屋低誰爲茲牧者勿使有羈棲

宿王千子孝廉耦耕堂

青林淺曲見村墟直到莊前水拍廬正是客來新月上一庭喬
木半牀書

呼雞深樹屋廬靜飲犢前溪畧徇橫此地年來幾家住耦耕堂
畔有書聲

望諸君墓

昔者隆中卧曠懷千載勳吾觀夏侯論一弔望諸君王霸畧兼
備雌雄勢未分至今墟隴外時有欲歸雲

獻裘座主叔度先生卽次途中原韻二首

時先生將服闋奉命治畿輔

水

江南二月雪初乾走傳東山起謝安自識
國家無事日爲憂
天下得人難車邊雨露占年稔海上星辰出曉寒從此拯民登
衽席屑瀾迴作 湛恩看

黃雲千里雁聲乾饑溺深時席未安

帝德莫能名浩蕩臣

心何敢惜艱難窮簷衣食風兼雨滿地江湖夏亦寒傳

語繡

衣分督濟

殿頭稽首進圖看

答曹庶常

錫寶

之子聲名久如何病更貧家真無長物詩豈欲窮人老樹藏三

響泉集

詩五

可耕餘業上

四

無錫顧氏重校定本

徑清吟動四鄰思親兼憶弟愁對月痕新

古巷背流水幽居正對衡雙槐兩家蔭五月一蟬鳴學道原違

俗耽書亦近名忘形吾與汝聊爲說平生

雨霽帖齋癸公枉過同遊陶然亭

城隅新雨歇簷際初日上忽枉故人駕俱懷出塵想山川共澄
澈巾履一蕭爽孤亭面清虛眾象赴閑敞藤陰布長簾石室挂
遺緜不知習禪處惟聞木魚響君觀出水花應憶舊林賞爛漫
從天涯秋風發菰蔣

衣露張琴曲自題小照

風松聲兮鳴澗泉琴素月兮流華烟響沉樹兮秋鶴醒拂蒼苔

兮露華影懸萬壑兮星辰高一再鼓兮佇天聽

夏日

溽暑欲消消不得日長高臥憶山家涼風微至北窗下疎雨滿庭籬豆花

城南晚望遇楊六員外有賦

風雨深巷中出門卽烟樹新涼欲授衣獨往散余步草色沙際開蟬聲葉間度幽人隔林端曳杖屢回顧雖無泉石佳清言適吾素邂逅雨忘歸窅然滄洲趣

夏夜與陳太暉王燮公酌酒話懷

夙昔抱微尚清談思阿戎迤來湖海客復見陳元龍良夜來叩

響泉集

詩五

可耕餘業上

五

無錫顧氏
重校定本

門倒屣清塵容明月上西嶺皎然開心胸豈翳鸞鶴儔落語如風松坐我白玉床酌彼黃金鍾逸氣出庭戶四壁無寒蛩我家梁鴻宅門外青芙蓉杵臼今尙在晚食闌村春便擬挂帆去同君訪遺踪桑榆十數樹烟靄八九峯倦卽巖下住臥聽清谿鐘

送蔣敬巖孝廉南還

君家住蘭陵我家住蓉湖蓉湖朝發逕百里夜過蘭陵倒玉壺我初未嘗識君面君來長安始相見邀我置酒歡平生酒酣見月思鄉縣白雲渡頭多白雲蓼花楓葉秋紛紛月明却照半江濶隨人直渡江之濱君還應向此中住我欲從君借帆去只今湖上芙蓉花歸舟好繫湖邊樹

題陳太暉擁書圖

烟雨滿江東春陰灌木中

太暉屬余書春陰灌木之堂

百城南而樂六月北

窗風賀老鏡湖濶宣公鶴渚空寂寥千載下心跡許誰同

送秦振千同年南歸

自有青囊秘言從黃石遊當時扶竹杖落日睇層邱楓葉清江

晚蘋花白露秋歸歟無限好明月傍行舟

涼夜有懷

涼夜露草光飛螢度前除風帷如有人忽忽自卷舒竹色斂陰
久商聲入檐初永懷當此夕豈不惜離居昔別花未落庭前樹
扶疎緘書及秋節吾欲采芙蓉

響泉集

詩五

可耕餘業上

六

無錫顧氏
重校定本

古意答癸公

芙蓉出秋江蕩漾露珠圓皎月生海底光輝共澄鮮美人擢素
手羅袖輕於烟容顏本娟好意態由天然形跡既不存雕飾亦
已捐東家效顰子寧論媼與妍

擬元八十臺懷古

姑蘇臺

闔廬舊已治蘇臺豈意猶煩越國材東海役臣行七術西江落
月舞干回螳螂鼠樹鳴蟬歇麋鹿離山卧虎來誰遣專諸學魚
炙怒濤還爲伍胥哀

章華臺

楚靈窺鼎擡諸侯伐鼓擬金臺上頭日落旌旗千騎火風迴簫
管一江秋乾谿爲誦祢招什良史應書雲夢遊輦路迢迢萬枝
柳湘烟郢雨怨三休

黃金臺

信有招賢禮士心築臺何必置黃金幾人同在昭王側令我常
懷郭隗深易水寒來悲駿骨薊門春後見喬林可堪樂毅無歸
處惆悵南陽抱膝吟

朝陽臺

十二峯頭暮復朝如何雲雨欲爲妖楚天殘夢醒何處湘水微
波怨未銷直自大王風不競漫教神女夜相招秭歸城上猶祠

響泉集

詩五

可耕餘業上

七

無錫顧氏
重校定本

廟江月年年照寂寥

歌風臺

赤帝歌風戀故鄉中原雲起四飛揚父兄諸母攀遊子芒碭羣
峯下夕陽滅項韓彭塵漠漠安劉平勃事茫茫酒酣擊筑兒童
和萬崑千秋泣數行

戲馬臺

逐鹿中原萬馬騰騰行誰上最高層壅囊始自驚韓信舞劍安
能用范增水咽烏江雕不逝壇開赤幟將先登如何九日雲龍
會又見金刀異代興

望思臺

豈有桐人太子宮諫言猶託白頭翁屈釐不作千秋夢石德多
慚三老風堯母任身門乍啟周公負辰晝偏工臺高千仞思何
益禁苑誰教博望通

銅爵臺

橫梁當年對酒歌荒涼銅雀類銅駝固知老驥心無已欲問靈
龜壽幾何賣履分香憐婢妾燃萁煮豆泣根科總惟遙望西陵
路漢故將軍墓道多

鳳凰臺

龍盤虎踞鳳凰遊回首荒臺草木秋六代繁華空北顧長江天
塹自東流依稀城郭聞歸鶴浩蕩烟波看浴鷗李白題詩竟仙
響響泉集詩五可耕餘業上八無錫顧氏
重校定本
去三山二水使人愁

凌歊臺

春燕巢林竟未知三千歌舞夜歸遲藏冰中夏開凌室棧嶺長
江合水師田舍豈聞今日事元嘉不待再傳衰更無郢渾求神
筆草綠黃山認舊基

俞十一畫竹素園老柳二株見寄感賦

園爲先洞陽公
故居在勒斯堂宅

後今廢惟一
柳一池尙存

樹猶如此我何堪葉葉餘芬露尙含異代子孫看素業十年風
雨憶江潭清溪莊遠山蒼翠河酌泉分水蔚藍一角傳來郭山
忽秋堂夜思落烟嵐

感興

擬將身世託長檣
桐帽棕鞋白袷衫
雨過西山聊拄笏
月生東海好揚帆
百年自覺腰難折
五夜深知口欲緘
誰替左司開掃地
樹根枯坐讀楞嚴

柬帖齋

近來咫尺似千里
欲往從之心鬱陶
星月滿天霜滿地
開籠閉放鶴翎高

由松柏巷步至興誠寺訪菊

卜居南城南
久與緇叟鄰
今日風日好
出門淨行塵
言采籬下菊
看刈蘆中薪
禪關歛虛照
石路披荒榛
空林易成響
深竹時

響泉集

詩五

可耕餘業上

九

無錫顧氏重校定本

有人寂以會
庶妙淡然得
吾真寒邑况
復久微波亦
鱗鱗長謠出
證薄策杖凌
秋晏

哭王編修

中孚

季秋月三日
驚聞生已死
叩之生鄉人
含凄但唯唯
憶昔生別時
奔喪返鄉里
是時瘦骨立
勸生節哀毀
半載無信音
傳言豈其是
善惡信不應
修短胡可恃
出身起貧賤
卓犖見風旨
謂言儲國器
精誠貫表裏
寧知命力殊
斯就止如此
懽愛於此終
憂傷自茲始
平生忝知音
不相天下士

和太暉秋夜懷癸公作

揚帆客竟去
高秋鴻雁特
離離海中月
挂我庭樹枝
徘徊南軒

下流影入簷楣露涼氣微白風遠林聲遲坐覺衣袂薄自起下
羅帷如何平生懽各抱千里思蟋蟀寒尚鳴苔蘚雨猶滋秋盡
冬復及空吟小謝詩

九日 家嚴
生辰

九日登臨遊子慣十年風雨 帝城西閉閒槐徑鄰蕭寺湛湛
楓江憶舊溪白水乍寒鴻雁影丹山常暖鳳凰棲萊衣願乞

君王賜露裛黃花濕 紫泥

答帖齋心餘容剛見和前韻三首

江上青山無遠近風前黃葉自東西園從蔣詔分三徑

家嚴
居錦樹

園之半故蔣
氏別業也

家共梁鴻合一溪豈爲蓴鱸縈我夢可堪猿鶴傍

響泉集

詩五

可耕餘業上

十

無錫顧氏
重校定本

人棲年年目送南飛雁留取沙痕記雪泥

涼宵雨歇天如洗菊影橫窗月向西何處蒹葭迥遠棹故人簑
笠釣寒溪江湖滿地魚龍臥風露無聲鶴鶴棲京洛素衣猶未
化不堪獨漉水中泥

百年雙屐遊何處昨日重陽過水西底事不歸虛定省劇憐欲
往阻山溪卽看落木蕭蕭下猶有慈烏夜夜棲二頃薄田三畝
宅願隨老圃埋塗泥

附

和作

鉛山

蔣士銓

心餘

節物全拋高枕外夢魂初轉大江西秋聲出樹猶分院山翠
過城似隔溪默抱琴書同菊卧起看鴉鵲奪林棲不知何處

堪登陟狼籍銅街滑滑泥

人爲野鶴難羈侶巷比流沙不盡西茶癖居宜鄰顧渚詩禪
門恰對曹溪菜萸有弟來同插鸚鵡無巢久借棲退筆尙堪
摹屋漏秋蛇飛舞壞牆泥

酒客偏招風雨夜詩人多住月華西莊生自許同牛馬老子
何妨守谷溪破屋相鄰三友得亂書圍我百靈棲飛鴻爪印
誰能覓一笑閒觀象沒泥

集錢七庶子同年擗石齋對菊

木落空宇中開軒坐高秋依然古襟帶緬懷晉風流采采霜葉

晚塗滄露光浮植此非一朝對此堪忘憂不隨嵐芳欲得與君

響泉集

詩五

可耕餘業上

十一

無錫顧氏
重校定本

子遊我欲餐落英澹澹不可收清言雜諧諛中座更唱酬坐憶
半畝宅白雲山之幽未謝車馬喧空憶鸞鶴儔願從羲皇上食
貧非所謀

贈菊

爾亦清癯者秋來只獨醒香分小團月身是少微星爲我更開
醞於人能益齡東籬正無恙閒坐石苔青

紀心齋滌硯圖

一片握中石烟雲萬壑餘良田聊復爾正筆定何如几淨風花
細窗寒木葉疎朝回勤祓濯閑揚右軍書

銅雀瓦硯歌

漳水東流建安骨銅雀臺荒瓦如鐵鐵而尚書非石君鄴中舊
事猶能說老瞞自謂漢將軍築臺百尺凌青雲千乘萬騎走臺
下幕中草檄何紛紛賓僚遊讌竟摘藻一家才子工爲文此時
此瓦附簷翼硯材瓦質孰與分衆中偃仰不自見漢家天子趨
上殿不耐歌聲繞屋梁肯作詔書稱受禪惜乎不令鍾繇知磨
洗好作義之師寒雲一片慘金碧淪没千載來何遲回首春風
銅雀下當年已有同槽馬譙東精舍不讀書焚棄硯田燒作瓦

送楊丈

守禮

之官蜀中

先生非吏隱早歲工爲文官就賊眉月人稱揚子雲西南天下
險江漢地中分別後經行處清猿入夜聞

響泉集

詩五

可耕餘業上

三

無錫顏氏

重校定本

錢璿石招同范芄原紀原穉邵蔚田吉渭厓秦西巖蔣心
餘集寓齋卽送心餘南歸分賦金陵故事得邀筵步

小餘將卜

居金陵

孤高桓子野三弄據胡床雲月空殘夜江山自太康涼颼吳苑
柳秋草蔣湖霜清吹發餘響揚帆我欲狂

曹容圃失女

陰陽之於人奚翅於父母自其未生時形氣本無有介然芒忽
間具耳目鼻口呱呱而成聲僕邀學趨走嬌女雖非男有如寶
瓊玖五歲口授書指畫辨蝌蚪七歲執女紅學母亦八九生男
習詩習生女習箕帚天下父母心恩勤孰云後既生亦已長傷

哉胡速朽盡室相向哭吁嗟爲君剖人生非金石誰能百年久
有生俄而死以無有爲首曹娥誠哀哀木蘭非赴赴問彼何能
然純氣之所守二氣有厚薄至理無天壽

老農

老農滌場村女春黃雞正肥秫酒紅入冬已雪忽復雪占歲大
豐兼屢豐墻下乞兒夜向火爨餘殘葉寒迎風租稅早輸一無
事莫令犬吠驚兒童

臘月八日雪集秦西巖慕道齋限八字

士鼓打頭九豆粥獻臘八撒鹽積皚皚帳玉鳴軋軋敲門來長
鬚折簡致短札古者有飲蜡吾儕且投轄大儼伐鼗鼓清祀奏

響泉集

詩五

可耕餘業上

三

無錫顧氏
重校定本

控褐皂衣驅擗揄赤憤立輟磻宜尼踐阼階禮器無缺鬻豈惟
從獵較且以過橫猾頻年苦歲歉方冬警宵奮羸蹄嗚吳牛凍
翅墮霜鷄饑寒切肌膚性命填草蔡今秋漸委積殘臘絕剽割
有司納租稅告郊席菹藉此雪自云瑞欲善焉用殺當筵錯觥
籌入饌雜螿蜻列鼎調鹽梅越俎斷蘇稜百觴入肝膈萬象窮
窟窺鯨鯢恣騰躍江海浩澎湃窺戶堆屋簷下階試策鋟凌人
益驕矜水官逞傑黠同雲激龍怒習坎眩馬瞎驚羣雁叫哀失
伍駝鳴圓一視平高卑千形遠昭察授簡裁謝思助苗非宋摠
稷糲蕃春滋蔬甲先夜茁君懷吐白鳳我意凌蒼鶻新詩老無
敵長城堅不拔摩天揚崑刀卓地樹雕鍛隋珠紛牽綴珊瑚交

擊憂趙襟喜聯翩刻佩費搜刮踏踏鋪瓊屑屑傾塊吐雲書
觀太史烏篆想蒼頡田家事迎貓酒客羞祭獺良會約後期晨
鐘動古刹

首春集心齋獨柳堂分韻得參字

書檐新柳欲氍毹正憶梅花溪水南明月幾回招白鶴東風先
與破黃柑坐中詞客歌三疊謂心餘簾外春風酒半酣紙帳蕭閒
容我睡五更騎馬趁朝參

齋居

寂寂青春晚時還讀舊書廣庭留月久老樹得花疎未掃陳蕃
室空隨郭泰車修名亦何有苔草綠階除

響泉集

詩五

可耕餘業上

齒

無錫顧氏
重校定本

就是無營者而能絕世耶微風醒蝶夢朝日上蜂衙竹瘦晚將
實松寒春白花疎鐘動鄰寺簾影斲紋斜
庭槐映書綠蓋酒醉顏紅何事百年內多歸萬慮中風聲趨涿
鹿雲氣入崆峒一片薊門月將心到海東

題韋五編修

謙和

翠螺讀書圖

抱膝翠螺中橫琴采石東名山如我待高詠幾人同萬壑鳥飛
絕千松月照空乘潮追往蹟掛席信秋風

邵蔚田招同錢孳石紀心齋載匏齋集朱藤花下

日長池館幽蒙籠春風倒影金樽中金樽淺酌葡萄綠美人一
笑玫瑰紅紅香冥冥月盈把綠陰沉沉盞鴛瓦今日相看春色

關再來空遶青苔下却憶年年醉落花風光如此不還家何時
浩蕩隨烟海直跨長虹弄紫霞

漁父詞

三十六灣溪水春灣灣花柳好垂綸鯉魚尺半換美酒不賣朱
門彈鋏人

聞道江中五月裘客星不見見江流千巖萬壑無尋處楓葉蘆
花一釣舟

秦人隔水送漁郎底事漁郎苦憶鄉行過桃源是何處短簑橫
臥半船霜

晨入覺生寺

響泉集

詩五

可耕餘業上

圭

無錫顧氏
重校定本

寺門初日上綵絺早涼生露柳知蟬意風花見鳥情大千僧出
定小立鶴將迎旛動石壇靜微聞松柏聲

2734
4



中国书店标
册数 定价
43.00